



劔南詩彙目錄

卷第五

曉歎

苦筍

月下作

二首

小宴

小閣

納涼

晨雨

湖上

筍盛

出戲

作長句

雨後

集湖上

過大蓬

嶺度

繩橋

至杜秀

才山莊

宿杜氏

晨起

遇雨

翠園院

野飯

化成院

慈雲院

東閣

小憩

遊

靈鷲寺

堂中僧

聞然獨

作禮

開山

定心尊

者尊者唐人有問法者輒點眉示之時號

點點和尚 桃源 白塢院 急雨 東

湖新竹 睡起試茶 五月五日蜀州放

解榜第一人楊鑑具慶下孤生愴然有感

病酒新愈獨臥蘋風閣戲書 神君歌

讀胡基仲舊詩有感 夏日湖上 對

酒歎 病後暑雨書懷 雨聲 同何元

立賞荷花追懷鏡湖舊遊 小樓 怡齋

龍湫歌 月夕 蒸暑思梁州述懷

湖上晚歸 秋聲 觀小孤山圖 飲酒

北窗梧葉坐間落四五有感 神山歌

久雨 古意 自唐安之成都 度笮

故袍 寓寶相有作 寓驛舍 題宇

文子友所藏薛公鶴 宴西樓 月中歸

驛舍 出江濱池醉歸馬上作 離成都後

却寄公壽子友德稱 晨至湖上 二池

上見魚躍有懷姑熟舊遊 六月二十五

日曉出郊 作雨不成終夜極涼時去立

秋五日也 池上晚雨 五十 記夢

凭欄 聽琴 秋思 醉書 楚氏莊龜

泉 書懷 首二 秋思 首三 東園晚步 秋

夜讀書戲作 太平花 日算至湖上

秋興 秋色 秋聲 觀長安城圖 雨

中作 夜讀了翁遺文有感 雷 龍眠

畫馬 秋夜池上作 秋雨 臥病 夢

入禪林有老宿方陞座或云通悟禪師

蜀州大閱 放懷亭獨立有感 九月三

日同呂周輔教授遊大邑諸山 次韻周

輔道中 首二 憩黃秀才書堂 夜宿鵲鳴

山之次韻周輔霧中作 山中得長句戲

呈周輔并簡朱縣丞 擣藥鳥 出山

平雲亭 高秋亭 九日小疾不出 九

日試霧中僧所贈茶  
我有美酒歌  
次韻師伯渾見寄  
自江源過雙流不宿徑  
行之成都  
過綠楊橋  
五鼓自笮橋入  
府  
客多福院晨起  
雨中出謁歸晝臥  
長歌行  
夜食炒栗有感  
山秋夜懷吳  
中  
遊三井觀  
僊遊閣  
寓居小菴纔  
表丈戲作  
送華師從劔州張祕書之招

劔南詩彙目錄

卷五終

劔南詩彙卷第五

曉歎

一鴉飛鳴窗已白  
推枕欲起先歎息  
翠華東巡五十年  
赤縣神州滿戎狄  
主憂臣辱古所云  
世間有粟吾得食  
少年論兵實狂妄  
諫官劾奏當竄殛  
不爲孤囚死嶺海  
君恩如天豈終極  
容身有祿愧滿顏  
滅賊無期淚橫臆  
未聞含桃薦宗廟  
至今銅駝沒荆棘  
幽并從古多烈士  
悒悒可

令長失職王師入秦駐一月傳檄足定河南北  
安得揚鞭出散關下令一變旌旗色

苦筍

藜藿盤中忽眼明駢頭脫襖白玉嬰極知耿介  
種性別苦節乃與生俱生我見魏徵殊媚嫵約  
束兒童勿多取人才自古要養成放使干霄戰  
風雨

月下作

池上迎微風柏間蹋涼月冷然醉夢醒一洗煩  
惱熱嗟予世外人火食常嘔噎易求雲表露難  
覓大古雪况欲試祕方瓊漿和玉屑俛首居俗  
間愁若鷹在繼惟茲服月芒比歲稍得訣但令  
天無雲豈復計圓缺玉鈎定誰挂冰輪了無轍  
詩成獨高詠靈府炯澄澈

又

畏暑不巾襪步月楮短筇瘦身髮鬢髻顧影如

孤松徑幽螢闔開池漲魚唵喞飛泉穿北垣珠  
玉相撞春東湖更奇絕百畝銀初鎔但能抱琴  
往絕恨欠鶴從重露傾荷盤微風墮芙蓉歡言  
美清夜縹渺吹疎鐘空中飛僊人粲然冰雪容  
笑我老塵世不記瑤臺逢

小宴

洗君鸚鵡盃酌我蒲萄醅冒雨鷺不去過春花  
續開英雄漫青史富賢亦黃埃今夕湖邊醉還

須秉燭回

小閣納涼

侵牀月白病全蘇掠面風清酒欲無渺渺塘陰  
下鷗鷺蕭蕭秋意滿菰蒲縱輸煙渡橫孤艇也  
勝京塵暗九衢莫遣良工更摹寫此詩端是臥  
遊圖

晨雨

揮汗驅蚊廢夜眠清晨一雨便翛然涼生池閣

衣巾爽潤入園林草木鮮青翳雲腹開鬪茗翠  
鬢玉液取寒泉飯餘一枕華胥夢不怪門生笑  
腹便

湖上筍盛出戲作長句

鱗鱗穿苔瑋瑋簪按行日夜待成林養渠百尺  
干霄氣見我平生及物心宋儒語刺插藩籬憂玉折豫  
期風雨聽龍吟明年又徙囊衣去誰與平安報  
好音

雨後集湖上

野水交流自滿畦芳池新漲恰平堤花藏密葉  
多時在鷺占高枝盡日啼繡袂寶帚催結束金  
尊翠杓笑提攜白頭自喜能狂在笑襞蠻牋落  
醉題

過大蓬嶺度繩橋至杜秀才山莊

度笮臨千仞梯山躡半空溼雲朝暮雨陰壑古  
今風亭觀參差見闌干詰曲通柳空叢篠出松



偃翠蘿蒙負籠銀釵女鉏畚鶴髮翁何由有餘  
俸小築此山中

宿杜氏晨起遇雨

怪藤十圍蔽白日老木千尺干青霄水泛憂灘  
竹作舫陸行跨空繩繫橋陰陰古屋精靈語慘  
慘江雲蛟鰐驕吾道非耶行至此諸公正散紫  
宸朝

翠圍院

曉入翠圍寺擁門千萬峰山空鳥自命林茂鹿  
相從嫋嫋風中袞昏昏雲外鐘將歸興未盡清  
嘯倚長松

翠圍野飯

意實炊明珠苦筍饌白玉輪困斲區芋芳辛采  
山藪山深少鹽酪淡薄至味足往往八十翁登  
山逐犇鹿可憐城南社零落依澗曲面餘作詩  
瘦趨拜尚不俗

杜氏自譜以爲子美下硤畱一  
子守浣花舊業其後避成都亂

徙眉州大壩病夫益倦遊頗願老窮谷是家吾  
或徙大蓬云所慕食菜如食肉時能喚隣里小甕酒新漉何  
必懷故鄉下箸厭雁鶩

化成院

翠圍至化成七里幾千盤肩輿掀淖歎息行  
路難緣坡忽入谷蜿蜒蒼龍蟠孤墪插空起雙  
栴當夏寒飛屐到上方漸覺所見寬前山橫一  
几稻陂白漫漫肥僧大腰腹呀喘趨迎官走疾  
不得語坐定汗未乾高人遺世事跣趺穴蒲團  
作此望塵態豈如返巾冠日落聞鹿鳴感我平  
生歡客遊殊未已芳歲行當闌

其一 慈雲院東閣小憩

橫閣院東偏翛然拂榻眠香濃煙穗直茶嫩乳  
花圓巖倚團團桂筒分細細泉憑誰爲題版牘  
作小壺天

熙味尚

遊靈鷲寺堂中僧闐然獨作禮開山定心

尊者尊者唐人有問法者輒點胷示之時  
小號點點和尚

半世吳松理釣絲蜀山著腳豈前知雲堂已散  
三三衆卯塏空尋點點師戴雪數峰臨峭絕浮  
花一水舞淪漪寺西望雪山勞生未盡能重到

應掃流塵讀此詩

桃源

木缺橋橫一徑微斷煙殘靄晚霏霏十年勸客

明雙眼五月遊人換夾衣翠峽東成寒練靜蒼

崖濺落素鮫飛爾來自笑癡頑甚著處吟哦不

記歸

白塏院

時小雨  
初霽

冷翠千竿玉浮嵐萬幅屏凭欄避微雨挈笠遇

歸僧殘日明樓角屯雲擁塏層溪山屬閒客隨

意倚枯藤雨鼎來風薰曉興迴早涼蘓林燕歸

炎炎急雨當空驟

炎炎赤日當空燒，簿書圍坐如居窰。  
黑雲壓簷忽岩崑，急雨鼎來風駕潮。  
彈壓旱氣蘇枯焦，祝融退聽不敢驕。  
父老歌舞看稻苗，殺雞買酒更相邀。  
我亦巾褐涼蕭蕭，酒醒點滴聞梧蕉。  
珍簟不御扇罷搖，安用萬里登凌歊。

東湖新竹

插棘編籬謹護持，養成寒碧映淪漪。  
清風掠地秋先到，赤日行天午不知。  
解籜時聞聲簌簌，放

梢初見葉離離。官閒我欲頻來此，枕簟仍教到處隨。

睡起試茶

笛材細織含風漪，蟬翼新裁雲碧帷。  
端谿硯璞斲作枕，素屏畫出月墮空江時。  
朱欄碧甃玉色井，自候銀餅試蒙頂。  
門前剝啄不嫌渠，但恨此味無人領。

五月五日蜀州放解榜，第一人楊鑑具慶。

下孤生愴然有感

甲午五月之庚寅淵魚躍起三江津震雷霆雨  
夜達晨我知決定非凡鱗人生富貴不逮親萬  
鍾五鼎空酸辛少年得祿羞常珍調節滋味躬  
爨薪徹食奉盥授悅巾此樂豈復論賤貧嗟我  
不孝負鬼神俯仰二紀悲如新仕宦空飽息與  
嬪左右供養無復辰子行射策對楓宸綵衣楚  
楚映華紳泝江亟歸娛老人切勿著意長安春

病酒新愈獨臥蘋風閣戲書

用酒驅愁如伐國敵雖摧破吾亦病狂呼起舞

先自困閉戶垂帷真廟勝今朝屏事臥湖邊不

但心空兼耳靜自燒沉水瀹紫筍聊遣森嚴配

堅正紫筍蒙頂之上追思昨日乃可笑倚醉題

詩恣豪橫逝從屈子學獨醒免使曹公怪中聖

神君歌謁英顯廟作

泰山可為礪東海可揚塵惟有壯士志死生要

一伸我夢神君自天下威儀奕奕難具陳飛龍  
駕車不用馬訶前殿後皆鬼神奇形詭狀密如  
魚鱗鱗鱗鬻鬻爭扶車輪黑纛白旄其來無垠  
黃霧紫氛合散輪困考錄魑魅號呼吟呻約束  
蛟螭夭矯服馴後車百兩載美人巾褱鮮麗工  
笑顰金尊翠杓溢芳醇琵琶箜篌飾怪珍世間  
局促常悲辛神君歡樂千萬春嗚呼生不封侯  
死廟食丈夫豈得抱志長默默

讀胡基仲舊詩有感

少日飛騰翰墨場  
暮年相見尚昂藏  
沈沙舟畔千帆過  
剪翮籠邊百鳥翔  
訪古每思春竝轡  
說詩仍記夜連牀  
囟囟去日多於髮  
不獨悲君亦自傷

夏日湖上

烏帽筇枝散客愁  
不妨胥史雜沙鷗  
迎風枕簟平欺暑  
近水簾櫳探俗秋  
茶竈遠從林下見  
釣

劍南詩集 卷之五 蜀州  
筒常向月中收江湖四十餘年夢豈信人間有

對酒歎

鏡雖明不能使醜者妍酒雖美不能使悲者樂  
男子之生桑弧蓬矢射四方古人所懷何磊落  
我欲北臨黃河觀禹功犬羊腥羶塵漠漠又欲  
南適蒼梧弔虞舜九疑難尋眇聯絡惟有一片  
心可受生死託千金輕擲重意氣百舍孤征赴  
然諾或攜短劔隱紅塵亦入名山燒大藥兒女  
何足顧歲月不貸人黑貂十年弊白髮一朝新  
半酣耿耿不自得清嘯長歌裂金石曲終四座  
慘悲風人人掩淚無人色

病後暑雨書懷

髮毛蕭颯疾初平雲物輪囷氣未清  
水漲小亭無路到雨多幽草上牆生  
窗昏頓減讐書課屋老時聞墮瓦聲  
止酒亡聊還自笑少年豪飲似

長鯨聞雷子鱗出海古鯨自天少半空  
無卻雨聲

暑氣滿天地薄暮加煩促清風吹急雨集我北  
窗竹竹聲蕭蕭固自奇況得雨聲相發揮令人  
忽憶雲門寺半夜長松墮雪時

同何元立賞荷花追懷鏡湖舊遊

少狂欺酒氣吐虹一笑未了千觴空涼堂下簾  
人似玉月色泠泠透湘竹三更畫船穿藕花

爲四壁船爲家不須更踏花底藕但嗅花香已  
無酒花深不見畫船行天風空吹白紵聲雙漿  
歸來弄湖水往往湖邊人已起卽今憔悴不堪  
論賴有何郎共此尊紅綠疎疎君勿歎漢嘉去  
歲無荷看

小樓

吾州近在西山麓雪山萬仞臨冰谷小樓森森  
閱三伏清簟疎簾對碁局肌膚淒凜起芒粟肝



肺崢嶸墨瓊玉香泉向夕初罷浴桐竹生風吹  
細穀九衢憧憧車擊轂黃塵赤日汗可掬還家  
欲休客陸續俗與此詩令一讀

怡齋

羅遜

東湖仲夏草樹荒屋古無人亭午涼萱房微呀  
不見日筍籜自解時吹香野藤蟠屈入窗罅溼  
茵扶疎生屋梁跨溝數椽最幽翳漲水及檻雨  
敗牆靜涵青蘋舞藻荇閒立白鷺浮鴛鴦芙蓉

雖瘦亦瀰漫照眼翠蓋遮紅粧水紋珍簟欲卷  
却團團素扇嬾復將天風忽送埴鈴語喚覺清  
夢遊瀟湘

龍湫歌

環湫巨木老不花齋淪千尺龍所家爪痕入木  
欲數寸觀者心掉不敢譁去年大旱綿千里禾  
不立苗麥垂死林神社鬼無奈何老龍欠伸徐  
一起隆隆之雷浩浩風倒卷江水傾虛空鱗間

出火作飛電金蛇夜掣層雲中明朝父老來賽  
雨大巫吹簫小巫舞祠門人散月娟娟龍歸抱  
珠湫底眠

月夕

我管隱天台夜半遊句曲弄月過垂虹萬頃一  
片玉煙艇起菱唱水風吹釣絲更欲小徙倚恐  
失初平期今年遊青城三十六峰巒白雲反在  
下使我毛骨寒天如玻璃鍾倒覆溼銀海素壁

行其間草木盡光彩姮娥顧我笑手撫玉兔兒  
莫怪世人生白髮秋風桂老欲無枝

蒸暑思梁州述懷

宣和之末予始生遭亂不及遊司并從軍梁州  
亦少慰土脉深厚泉流清季秋嶺谷浩積雪三  
月草木初抽萌夏中高涼最可喜不省舉手驅  
蟲蟲藏冰一出賣滿市玉璞堆積寒崢嶸柳陰  
夜臥千駟馬沙上露宿連營兵胡笳吹墮漾水

月烽燧傳到山南城最思出甲戌秦隴戈戟徹  
 夜相摩聲兩年劔南走塵土肺熱煩促無時平  
 荒池昏夜蛙閣閣食案白日蠅營營何時王師  
 自天下雷雨瀕洞收攬搶老生衰病畏暑溼思  
 卜鄆社開柴荆

湖上晚歸

地僻多幽事官閒慰古心  
 晚花藏密葉新筍補疎林  
 碩果畦丁獻芳醪稚子斟碧雲遮日盡歸

路更蕭森

秋聲

人言悲秋難為情我喜枕上聞秋聲  
 快鷹下韝爪觜健壯士撫劔精神生  
 我亦奮迅起衰病唾手便有擒胡興  
 弦開雁落詩亦成筆力未饒弓力勁  
 五原草枯首窟空青海蕭蕭風卷蓬  
 草罷捷書重上馬却從蠻駕下遼東

平觀小孤山圖

江平風不生鏡面渺千里軻栽萬斛舟遠望一  
 點耳大孤江中央四面峭插水小孤特奇麗丹  
 翠陵雲起重樓邃殿神之家帳中美入粲如花  
 遊人徙倚欄干處俊鶻橫江東北去

○飲酒

劉選

陸生學道欠力量宵次未能和益益百年自笑  
 足悲歡萬事聊須付酣暢有時堆阜起崢嶸大  
 呼索酒澆使平世間豈無道師與禪老不如閉

門參麴生朋舊年來散如水惟有鐺杓同生死  
 一日不見令人愁晝夜其處終無尤世言有毒  
 在麴蘖腐脇穿腸疑血脉人生適意即為之醉  
 死愁生君自擇

貼得英暢

北窗梧葉坐間落四五有感

高梧一葉脫便覺秋不遠晨起髮滿梳吾衰孰  
 云晚古來追電足歷塊或小踈金鼓噪陳間此  
 任豈驚蹇女子則多怨丈夫當自反默觀憂患

金剛詩集 十六五  
機推見生死本山林嫌獨往臺省亦袞袞會稽  
歸去來臯橋住差穩

神山歌

吾聞海中五神山其根戴以十五鼇一朝六鼇  
被釣去岱輿負嶠沉洪濤尚餘三山巋然在當  
時不沒爭秋毫如何蓬萊又已淺忽見平地生  
藜蒿伏羲迨今幾萬歲世事如火煎油膏娶妻  
不敢待翁命治水無暇憐兒號避讒犇楚僅得  
免歷聘返魯終不遭老聃關尹亦又死人實危  
脆無堅牢有口惟可飲醇醪有手惟可持霜螯  
勿令他人復笑汝後有萬世來滔滔

久雨

昏昏風雨暗東湖恰似梅黃四月初高樹送聲  
驚客枕小池分溜入清渠飛蚊屏迹知何在團  
扇生塵已暗疎須信西遊有奇事今年三伏夜

觀書

古意

繼足飼飢鷹鷹飽意未平伏櫪豈不安老驥終  
悲鳴士生固欲達又懼徒富貴素願有未伸五  
鼎淡無味茅屋秋雨漏稻陂春水深長歌傾濁  
酒舉世不知心

自唐安之成都

出門猶苦雨度塹喜新晴日正車無影風高蓋  
有聲疎疎稚苗立鬱鬱晚桑生宿醉行猶倦無

人爲解醒

度笮

江原縣

翩翩翻翻笮受風行人疾走緣虛空回觀目眩  
浪花上小跌身裹蛟涎中汗沾兩握色如菜數  
藥此險私自怪九折元非叱馭行千金空犯垂  
堂戒此身老大足悲傷歲歲天涯憶故鄉安得  
畫船明月夜滿川歌吹入盤閫

盤閫姑蘇  
二門名

故袍

青衫猶是國工裁破篋塵侵手自開莫笑渾如  
霜葉閣兩朝曾見聖君來

寓寶相有作

掃地鏡面清燒香雲氣潤道人敬愛客危坐目  
不瞬童子髡兩髦經禪亦精進我來願同龕歡  
喜無少吝臨堂坐夜分佛燈看墮燼清晨爽如  
秋攝衣相問訊道在氛埃表此語其殆信永愧

小阮高超然棄鬚鬢

從子綽棄其婦為僧廬山

寓驛舍

予三至成都皆館于是

閒坊古驛掩朱扉又憩空堂綻客衣九萬里中  
鯤自化一千年外鶴仍歸遶庭數竹饒新筍解  
帶量松長舊圍惟有壁間詩句在暗塵殘墨兩  
依依

題宇文子友所藏薛公鶴

仙人騏驥絕世稀卵生凡禽似而非宮保妙筆  
窮化機縞衣玄裳真令威千年華表聊一歸回

首幸脫藥軒譏喙吞不恨菰米微從吾曹遊安  
得肥與與世無事只合心非宮殿事

### 宴西樓

西樓遺跡尚豪雄錦繡笙簫在半空萬里因循  
成久客一年容易又秋風燭光低映珠簾麗酒  
暈徐添玉頰紅歸路迎涼更堪愛摩訶池上月

方中

○月中歸驛舍

六月十四日

歲歲常爲錦水行驛前雙堠慣逢迎草深閒院  
蟲相語人靜空廊月自明病起酒徒嘲小戶才  
衰詩律媿長城何時却泛耶溪路臥聽菱歌四  
面聲

### 江濱池醉歸馬上作

久住西州似宿緣笙歌叢裏著華顛每嗟相見  
多生客却憶初來尚少年迎馬綠楊爭拂帽滿  
街丹荔不論錢浮生何處非羈旅休問東吳萬



金百言  
里船

離成都後却寄公壽子友德稱

蕭條常閉爵羅門  
點檢芻儕幾箇存  
吾道將爲天下裂  
此心難與俗人言  
逢時尚可還三代  
掩卷何由作九原  
寄語龜城舊交道  
新涼殊憶共清尊

晨至湖上

劔南無劇暑  
長夏更宜人  
啼鳥常終日  
幽花不

減春荷香浮綠  
洒藤露落烏巾  
莫作天涯想  
翛然夢裏身

又

園古逢秋好  
身閒與嬾宜  
空堂賞疎豁  
重閣望參差  
竹粉有新意  
松風含古姿  
低回慙祿米  
官事少於詩

池上見魚躍有懷姑熟舊遊

雨過回塘漲碧漪  
幽人閒照角巾歌  
銀刀忽裂

劍南詩集 二十一  
圓波出宛似姑溪晚泊時

六月二十五日曉出郊

劍南作客歲再淹正如病翼遭糲黏短衣射虎  
性所樂不耐齷齪垂車幘今晨偶出得一快欣  
然意若脫楚鉗曉星已疎更磊磊殘月欲盡猶  
纖纖雞鳴已與夜漏斷鴉起似逐朝陽暹揚鞭  
走馬忘老憊自笑狂疾何由砭

作雨不成終夜極涼時去立秋五日也

雲映星芒澹風闌雨腳回體輕知病去氣爽喜  
秋來疎放拋烏帽歌呼覆綠盃東歸定何日灑  
灑欲崔嵬

池上晚雨

烏紗白葛一枝筇罨畫池邊遡晚風雲葉初生  
高樹外雨聲已到亂荷中憑闌頓覺氛埃遠回  
首方知暑毒空閱世萬端惟小忍何人更事似

衰翁

五十

五十未名老無如衰疾何肺肝空激烈。顏鬢已  
蹉跎。夜宴看長劔秋風舞短篔此身如砥柱猶  
足閱頽波

記夢

夢泛扁舟禹廟前中流拂面風冷然樓臺縹緲  
知幾疊雲物點綴多餘妍蓮房芡觜采無主漁  
歌菱唱聲滿川夢中了了知是夢却恐燕語來

驚眠弄撓顧謂芙蓉載客乖離不記經幾年卽今  
相逢兩幻質轉眄變滅如飛煙斯言未竟客大  
笑人生寓世豈獨堅元章嘉叟君所見一別丹  
旒俱翩翩君知夢覺本無異勿爲畫麤流饒涎  
我慙俛首夢亦斷尙覺細浪鳴船舷

凭欄

蟬嘒晚尤壯鴉栖久未安不成浮舴艋故作凭  
闌干露重傾荷蓋風尖蹙芡盤新秋動歸思更

覺五湖寬

聽琴

羅隱

疎簾曲檻蘋風涼  
細腰美人藕絲裳  
綠藤水文穿矮牀  
玉指纖纖彈履霜  
高林鶯囀日正長  
幽澗泉鳴夜未央  
哀思不怨和而莊  
有齊淑女禮自防  
世人但惑青樓倡  
琵琶箜篌雜胡羌  
試聽一曲醒汝狂  
文姬指法傳中郎

秋思

烈日炎天欲不禁  
喜逢秋色到園林  
雲陰映日初蕭瑟  
露氣侵簾已峭深  
衰髮凋零隨槁葉  
苦吟淒斷雜疎砧  
鴈來不得中原信  
撫劔何人識壯心

醉書

似聞有俸錢似仕無簿書  
似長免事仕似屬非走趨病能加  
餐飯老與酒不疎婆娑東湖上  
幽曠足自娛時時喚客醉  
小閣臨紅蕖釣魚斫銀

絲擘荔見玉膚檀槽列四十遺聲傳故都豈惟  
豪兩川自足誇東吳但恨詩不進榛荒失耘鋤  
何當掃纖豔傑作追黃初

楚氏莊龜泉

曳尾穹龜不負圖一泓寒碧照庭除醉中只合  
長來此臥聽蠻童放轆轤

書懷

楚澤巴江兩鬢殘夕陽又是倚闌干敢言日與

長安遠惟恨天如蜀道難客枕五更歸夢短新  
詩千首後人看青簾白舫何時發醉聽琵琶興

已闌 唐安弦索  
為兩川冠

又

西風蕭瑟晚吹衣又見亭臯木葉飛已是中年  
頻作惡更堪秋日送將歸 時何守  
還青城 黃塵顏鬢無  
人識青史功名與願違彊把一盃還徑醉羈懷  
何必不依依

秋思

大面山前秋笛清  
細腰宮畔草灘平  
吳檣楚柁動歸息  
隴月巴雲空復情  
萬里風塵舊朝士  
百年鉛槧老書生  
水村漁市從今始  
安用區區海內名

又

巢燕成歸秋景奇  
頗容老子醉哦詩  
山晴更覺雲含態  
風定閒看水弄姿  
痛飲何由從次道  
竝

遊空復憶安期天  
涯又作經年客  
莫對青銅恨鬢絲

又

西風吹葉滿湖邊  
初換秋衣獨慨然  
白首有詩悲蜀道  
清宵無夢到鈞天  
迂疎早不營三窟  
流落今寧直一錢  
把酒未妨餘興在  
試憑絲管餞流年

東園晚步

久客天涯憶故園，疆名官寺只衡門。  
 秋桐蠹遍無全葉，古柳吹斜出半根。  
 痛飲每思尊酒窄，微官空羨布衣尊。  
 何時定下三巴去，息臥孤舟聽斷猿。

秋夜讀書戲作

別駕生涯似蠹魚，簡編垂老未相疎。  
 也知賦得寒儒分五十，燈前見細書。

太平花

花出劔南，似桃，四出千百包，駢萃成朵。天聖中獻至京師，仁宗賜名。

太平花

扶牀踉蹌出京華，頭白車書未一家。  
 宵旰至今勞聖主，淚痕空對太平花。

日暮至湖上

藍輿晚繞湖，樂此新秋涼。  
 粉落竹方老，紅凋荷更香。  
 天宇無纖雲，仰視鴻鵠翔。  
 小樓久不登，撫檻悲慨慷。  
 浮生寄一夢，其盡無彭殤。  
 況我數月客，轉眼促去裝。  
 顧作兒女態，徘徊愒流光。  
 簷角

迎夜月林間送斜陽四年已五遷終歲常遑遑  
安得一茆屋歸老樵風旁

會稽山南有溪名樵風涇其上即若耶

秋興

無處逢秋不黯然。驛前斜日渡頭煙。吟肩雅與  
寒驢稱。歸夢頻爭社燕先。百歲猶穿幾兩屐。千  
詩不及一囊錢。故應身世如團扇。已向人間耐  
棄捐。

秋色

一段淒涼傷酒盃。中年剩作楚囚哀。迢迢似伴  
明河出。慘慘如隨落照來。客路半生常淚眼。鄉  
關萬里更危臺。蓼汀荻浦江南岸。自入秋來夢  
幾回。

秋聲

蕭騷拂樹過中庭。何處人間有此聲。漲水雨餘  
晨放閫。騎兵戰罷夜還營。閒憑曲几聽雖久。疆  
撫哀弦寫不成。暑退涼生君勿喜。一年光景又



崢嶸

觀長安城圖

許國雖堅鬢已斑  
 山南經歲望南山  
 橫戈上馬嗟心在  
 穿塹環城笑虜孱  
 風煙傳隴上秋高  
 刁斗落雲間三秦  
 父老應惆悵不見  
 王師出散關

謀者言虜穿塹三重環長安城

日暮

雨中作

方驚歲更端不覺秋已孟  
 雖云暑毒埃無奈風雨橫  
 荷空湖面闊葉脫樹枝勁  
 百卉亦已衰非復管華盛  
 遊子老忘歸一榻臥衰病  
 欲談無客來向壁弄塵柄

夜讀了翁遺文有感

秋雨蕭蕭夜不眠  
 挑燈開卷意凄然  
 吾曹自欲期千載  
 世論何曾待百年  
 當日公卿笑迂濶  
 卽今河洛汚腥羶  
 陰陽消長從來事  
 玩易深知屢

絕編公有易傳

初有詩集

卷之五

及古閣

雷

君不見冬月雷深藏九地底寂默如寒灰紛紛  
 槁葉木盡脫蠢蠢蟄戶蟲爭坯堅冰積雪一朝  
 盡風搖天邊斗柄回雷聲却擘九地出殷殷似  
 挾春俱來魚龍振鱗熟睡醒桃李一笑韶顏開  
 候耕老農喜欲舞掀泥百艸知誰催惟嗟婦女  
 不解事深屋揜耳藏嬰孩吾聞陰陽有常數非  
 時動靜皆為菑無人為報阿香道時來何至勞

卿推

龍眠畫馬

國家一從失西陲年年買馬西南夷瘴鄉所產

非權奇邊頭歲入幾番

一作數

皮崔嵬瘦骨帶火

印離立欲不禁風吹圉人太僕空列位龍媒汗  
 血來何時李公太平官京師立仗慣見渥洼姿  
 斷縑歲久墨色暗逸氣尚若不可羈賞奇好古  
 自一癖感事憂國空餘悲嗚呼安得毛骨若此

三千疋銜枚夜度桑乾磧

秋夜池上作

短髮颯颯病骨輕臨池間看露荷傾月明何與

浮雲事正向圓時故故生

非謝秋雨

西山雲千重東園泥一尺可憐牆下路十日無

履迹空庭桐葉盡古甃土花碧坐懷江湖間病

鴈溼羽翮寒窗向人青衰髮垂領白孤吟更不

寐聊伴候蟲嘖

臥病

人生寓一氣血脉日夜流秋毫或壅隔百體若

相仇嗟子少多艱衣食拙自謀方寸叢百慮如

箭集射侯犇走連數歲呻吟劇茲秋生死亦何

有成壞同一漚胡為不自愛森然起戈矛一笑

衆妄滅霜天鷹睨鞫呼兒屏藥囊吾疾今其瘳

夢入禪林有老宿方陞座或云通悟禪師

塵埃車馬何憧憧  
麀頭鼠目厭安庸  
樂哉夢見德人容  
巍巍堂堂人中龍  
舉頭仰望太華峰  
攝衣欲往路無從  
忽然夢斷難再逢  
空記說法聲如鐘

蜀州大閱

八月二十七日

曉束戎衣一悵然  
五年奔走遍窮邊  
平生亭障休兵日  
慘澹風雲閱武天  
戍隴舊遊真一夢  
渡遼奇事付他年  
劉琨晚抱聞雞恨  
安得英雄共

著鞭

放懷亭獨立有感

葦叢枯倒蓼花紅  
小立東湖更向東  
委肉本知居機上  
翦翎何恨著籠中  
一筇信腳乾坤迤  
百榼澆愁寵辱空  
誰道窮途知舊少  
此心念念與天通

九月三日同呂周輔教授遊大邑諸山  
大邑知名杜叟詩  
山中仍值菊花時  
節旄落盡

羈臣老髀肉生來壯士悲豪舉每嫌盃綠淺癡  
頑頗怪鬢絲遲廣文別蔡官俱冷相伴寬為五  
日期

次韻周輔道中

山靈喜我馬蹄聲正用此時秋雨晴日淡風斜  
江上路蘆花也似柳花輕

又

從來重九如寒食天氣微陰正自佳莫問茱萸

賜朝士一尊隨處有黃花

憩黃秀才書堂

吾生如虛舟萬里常泛泛終年厭作客著處息  
繫纜道邊何人居花竹頗閒淡門庭淨如拭窗  
几光可鑑堂上滿架書朱黃方點勘把茅容卜  
隣老死更誰憾

夜宿鵠鳴山

山蓋張天師學道之地事與史合

西遊萬里已關天采藥名山亦宿緣老柏干霄

如許壽幽花泣露為誰妍苔黏石磴捫蘿上燈

耿雲房掃榻眠安得仙翁索米術一生畱此弄

寒泉

索米謂五斗米法

次韻周輔霧中作

一日藍輿十過溪丹萸黃菊及佳時端居恐作

他年恨聯轡聊成此段奇側磴下臨重澗黑亂

雲高出一峯危何時關輔胡塵靜大華山頭更

卜期

山中得長句戲呈周輔并簡朱縣丞

鶴鳴山空無鶴來青霞嶂深天壁開千巖角逐

互吞吐一峰拔起矜崔嵬日炎微漏潭見底

青霞

嶂碧玉潭皆霧中佳處

水氣上薄雲成堆幽禽飛鳴報客

至奇樹璀璨知誰栽花藤怪蔓白晝暗犇猿落

狄無時哀路窮尚躡一千級忽見密竹藏樓臺

笑言神僧管住此至今炎景如天台楮筇負笠

出復沒喜動婦人驚提孩高人何至作狡獪無

乃翫世聊相談不然學道窮實際詎捨正大崇  
 奇瓌儒林丈人學擅世餘事尚壓蔡與崔名山  
 未死可再到此士一失難重陪贊府摘山事如  
 織擺撥領客何奇哉境幽神愴不可住歸倩玉  
 手傳金盃

朱君有侍兒許為客出

擣藥鳥

霧中有此鳥鳴聲清絕正如杵藥

白髮無情日日生  
 械愁聊復作山行  
 幽禽似欲嘲衰病  
 故學禪房杵藥聲

出山

出山似與高人別  
 回首時時一悵然  
 它日再來緣要熟  
 遍題名姓綠巖邊

平雲亭

大邑

滿榼芳醪何處傾  
 金鼇背上得同行  
 天垂綠野三邊盡  
 雲與朱闌一樣平  
 煙樹微茫疑誤墨  
 風松蕭瑟有新聲  
 黃花未吐無多恨  
 也勝湘纍拾落英

高秋亭

大邑

三日山中醉復醒，徑歸回首愧山靈。從今偕取觀書眼，長看天西萬疊青。

九日小疾不出，齋前土尉同許大聖，將理

病厭追遊，嬾舉觴。今年閉戶，作重陽。香煙裊裊，閒縈几書卷，紛紛靜滿牀。斜日更增秋慘淡，黃花應怪客淒涼。長安光景還如昨，誰醉城南杜

曲旁

答官都下每以九日遊西湖諸寺

九日試霧中僧所贈茶

少逢重九事豪華，南陌雕鞍擁鈿車。今日蜀州生白髮，瓦爐獨試霧中茶。

我有美酒歌

我有美酒起自斟，勸君一卮爲君吟。素衣未遂京塵化，綠鬢已受吳霜侵。三巴塗路何欽崆，五溪霧潦多毒淫。虎豹夜嘯裂崖谷，魑魅晝出矜山林。身如槁葉墮幽穽，窅窅何啻千尺深。無因



剖胷出此心一寸孤忠天實臨

次韻師伯渾見寄

窮鄉久客易消魂短髮秋來白幾分  
夢泛扁舟鏡湖月身騎瘦馬劔關雲  
萬釘寶帶知何用九轉金丹幸有聞  
欲與先生同此計會營茅舍近

江濱

伯渾隱龍山僕亦有結茅墓津之意

自江源過雙流不宿徑行之成都

斷笮飄飄挂渡頭臨江立馬喚漁舟  
少城已破

繁華夢老境聊尋汗漫遊斜日驛門雙堠立  
早霜風葉一林秋詩材滿路無人取準擬歸驂到  
處畱

過綠楊橋

過縣東馳十里遙行吟不覺度谿橋  
磴輪激水無時息酒旆迎風盡日搖  
半掩店門燈煜煜橫穿村市馬蕭蕭  
秦吳萬里行幾遍莫恨尊前綠鬢凋

五鼓自笮橋入府

曉月有餘光，秋樹無濃影。野煙浩無際，陂路行  
愈永。堰聲何澎湃，露氣正淒冷。忽然客愁破，更  
覺詩律整。咎人千載意，忙裏一笑領。山林豈難  
歸，吾計自不猛。

客多福院晨起

萬鯨傳響徹，修廊喚起衰翁。曉夢長，萬事可憐  
隨日出。一生常是伴人忙，馳驅溪厭交飛蓋。息  
偃何時靜，炷香四到錦城身。愈老更堪重入少  
年場。

雨中出謁歸晝臥

宿雨盈車轍，秋風漲帽帚。愛閒惟兀兀，應俗苦  
紛紛。病眼添花暈，醜顏皴皺。纈紋歸來炷香臥窗  
底，看微雲。

長歌行

人生不作安期生，醉入東海騎長鯨。猶當出作

李西平手梟逆賊清舊京金印煌煌未入手白  
 髮種種來無情成都古寺臥秋晚落日偏傍僧  
 窗明豈其馬上破賊手哦詩長作寒螿鳴興來  
 買盡市橋酒大車磊落堆長餅哀絲豪竹助劇  
 飲如鉅野受黃河傾平時一滴不入口意氣頓  
 使千人驚國讎未報壯士老匣中寶劍夜有聲  
 何當凱還宴將士三更雪壓飛狐城

夜食炒栗有感

漏舍待朝朝  
士往往食此

齒根浮動歎吾衰山栗炮燂療夜飢喚起少年  
 京輦夢和寧門外早朝來

秋夜懷吳中

秋夜挑燈讀楚辭咎人句句不吾欺更堪臨水  
 登山處正是浮家泛宅時巴酒不能消客恨蜀  
 巫空解報歸期灞橋煙柳知何限誰念行人寄

一枝

遊王井觀

三井久知名暇日偶一訪棟宇壞欲盡基址尙  
閱壯畫牆皆國工煙雲儼天仗旌旄亞戈戟佩  
玉雜弓鞬太古實傑作筆落九天上吳生名擅  
世睥睨未肯讓規模遠有考意象豪不放最奇  
老癯仙骨立神愈王石恪雖少怪用筆亦跌宕  
兩姝淡蛾眉非復火食狀塵埃久侵蝕風雨無  
蓋障好事未易逢寧能久忘恙雍洛劫火餘妙  
迹盡凋喪斯遊恐難繼佇立增悄愴

僊遊閣

張公一去二百載傑閣依然橫靄中徙倚看碑  
仍看畫時聞柏子落秋風

寓居小菴纔表丈戲作

早衰甚畏寒颼颼厭空館登閣望東菴亭亭長  
一繖欣然願暫寓竹底門可欵外看磔蝟毛仰  
視覆鵠卵席纔置錐地牖若窺天管瓦爐香不  
去管寢衾易暖頗疑漁菴結又類土室窳家具

止囊衣弛擔著亦滿客來勿嗤陋老我善用短  
猶能設胡牀相喚芙蓉椀

一爇送華師從劍州張祕書之招

三年相伴錦江頭一日翩然不可留官冷蓬門  
無客戀時清劍閣有僧遊關山默數來時路風  
月懸知別後愁禪版經龕有餘暇頻登高處望

西州

劍南詩彙卷第五 終

劍南詩彙目錄

卷第六

江上對酒作 自嘲 算歸馬上作 臨

別成都帳飲萬里橋贈譚德稱 夜宿二

江驛 涉白馬渡慨然有懷 瑞艸橋

將之榮州取道青城 丈人觀 題丈人

觀道院壁 宿上清宮 自上清延慶歸

過丈人觀少畱 長生觀觀月 儲福觀

龍門洞 布金院 離堆伏龍祠觀孫

太古畫英惠王像 登灌口廟東大樓觀

嶠江雪山 郫縣道中思故里 宿江原

縣東十里張氏亭子未明而起 戲詠西

州風土 宿彭山縣通津驛大風隣園多

喬木終夜有聲 眉州郡燕大醉中間道

馳出城宿石佛院 雙柏 戍卒說沉黎

事有感 平羌道中望峩眉山慨然有作

次韻何元立都曹贈行 次韻楊嘉父

先輩贈行 入榮州境 井研道中 賴

牟鎮早行 初到榮州 城上二首 西樓

夕望 醉中懷眉山舊遊 登城望西崦

甲午十一月十三夜夢右臂踊出一小

劍長八九寸有光既覺猶微痛也 齋中

夜坐有感 晚登橫溪閣二首 昭德堂晚

步 龍洞 客中夜寒戲作長謠 高齋

小飲戲作 太液黃鵠歌引有 自唐安徒

家來和義出城迎之馬上作 乙未元日

別榮州 聞仲高從兄計 夏日過摩

訶池 早行 天申節前三日大聖慈寺

華嚴閣燃燈甚盛遊人過於元夕 喜雨

夜聞浣花江聲甚壯 暑行憩新都驛

早發新都驛 謁諸葛丞相廟中自漢

州之金堂過沈氏竹園小憩坐間微雨

自小雲頂上雲頂寺 馬上微雨 彌牟

鎮驛舍小酌 遊彌牟菩提院庭下有凌

霄藤附古楠其高數丈花已零落滿地

樓上醉歌 伏日獨遊城西 五鼓送客

出城馬上作 寓舍書懷 夜登城樓

試茶 成都大閱 書懷 遊大智寺

看月睡晚戲作 成都書事首二 雙溪道

中 牛飲市中小飲呈坐客 自警 午

寢 白髮 明日午睡至暮復次前韻

醉中長歌 對酒 人曰飲昭覺 上元

前一日 上元 首二 喜譚德稱歸 春感

春晴暄甚遊西市施家園 花時遍遊

諸家園 首十 曉過萬里橋 自合江亭涉

江至趙園 春晴

劔南詩彙目錄 六卷終

劔南詩彙卷第六

江上對酒作

把酒不能飲苦淚滴酒觴醉酒蜀江中和淚下

荆楊樓櫓壓湓口山川蟠武昌石頭與鍾阜南

望鬱蒼蒼戈船破浪飛鐵騎射日光胡來即送

死詎能犯金湯汴洛我舊都燕趙我舊疆請書

一尺檄為國平胡羌

華子自嘲百事忘盡土



蘇子中年百事忘，嵇生仍坐嬾爲妨。  
病於榮宦冥心久，老向端閒得味長。  
對客欲談還憤憤，讀書纔過已茫茫。  
青縑帳暖黃紬穩，聊借東菴作睡鄉。

莫歸馬上作

石筍街頭日落時，銅壺閣上角聲悲。  
不辭與世終難合，惟恨無人麤見知。  
寶馬俊遊春浩蕩，江樓豪飲夜淋漓。  
醉來剩欲吟梁父，千古隆中可與期。

與期

臨別成都帳飲萬里橋，贈譚德稱

羅隱

成都城南萬里橋，蘆根蘋末風蕭蕭。  
映花碾草鈿車小，駐坡驀澗青驄驕。  
入門翠徑絕窈窕，臨水飛觀何岌岌。  
判無功名著不朽，惟仗詩酒寬亡聊。  
迎霜早已足雉兔，微冷便欲息狐貂。  
喜看縷膾映盤箸，恨欠斫蟹加橙椒。  
坐中譚侯天下士，龍馬毛骨矜超遙。  
烏犀白紵謫僊樣，但可避

金百言集 二六  
漁古序  
迨不可招今年一戰馘餘子風送六翮凌青霄  
美人再拜乞利市醉墨飛落生蛟綃我衰於世  
百無用十年不趨含元朝華纓肯傍蕭颯鬢寶  
帶那束龍鍾腰祝君好去事明主日望分喜來  
漁樵遊談引類亦細事寄酒且解相如消消字真  
是叶韻

夜宿二江驛

雞鳴原前風折樹夜到雙流雨如注  
樺皮溼透點不明旋設篝爐燎衣袴  
重城回首一夢散錦障羶車渺無處  
新聲猶傍耳邊來殘酒半隨風力去  
飛觴縱飲亦何樂憤憤不堪長閉戶  
丈夫要爲國平胡俗子豈識吾所寓

涉白馬渡慨然有懷

我馬顧影嘶忽涉白馬津雖非黃河上  
撫事猶悲辛太行之下吹虜塵燕南趙  
北空無人袁曹百戰相持處犬羊堂堂  
自來去

瑞草橋

柘葉颼颼雪意驕檐頭雙兔遇歸樵宿醒未解  
題詩嬾虛過風流瑞草橋

將之榮州取道青城

倚天山作海濤傾看遍人間兩赤城

青城山一名赤城而

天台之赤城乃予舊遊

自笑年年隨宦牒不如處處得閒

行草痕沙際猶餘綠楓葉霜餘已帶頰歸去還  
堪咤兒輩錦囊三十六崢嶸

丈人觀

黃金篆書扁朱門夾道巨竹屯蒼雲崖嶺劃若  
天地分千柱耿耿壓其垠纓冠肅謁丈人君廣  
殿空庭吹寶熏摩挲畫橋手爲鞍異哉山苑與  
土積物怪齧齧冠丘墳仙人佩玉雜幌帔手整  
貂冠最不羣欲去不忍恨日曛道翁采藥晝夜  
勤松根茯苓獲兼斤人之植立彊骨筋狗起羣  
吠聲信信山爐小甑吹幽芬朱顏不飲常自醺  
我亦宿誦五千文一念之差隨世紛逝將從翁

走如麋隱書祕訣何由聞

如瑩題丈人觀道院壁

斷香浮月磬聲殘木影如龍布石壇偶駕青鸞

塵世窄閒吹玉笛洞天寒奇香滿院晨炊藥異

氣穿巖夜浴丹却笑飛仙未忘俗金貂猶著侍

中冠孫太古畫范長生作舉手整貂蟬像神氣尤奇逸

宿上清宮

九萬天衢浩浩風此身真是一枯蓬盤蔬采掇

多靈藥閣道攀躋出半空累盡神僊端可致心

虛造化欲無功金丹定解幽人意散作山椒百

炬紅夜中山谷火煜然俗謂聖燈意古藏丹所化也

自上清延慶歸過丈人觀少畱

再到蓬萊路欲平却吹長笛過青城空山霜葉

無行迹半嶺天風有嘯聲細棧跨雲縈峭絕危

橋飛柱插澄清玉華更控青鸞住要倚欄干待

月明玉華樓名

長生觀觀月

碧天萬里月正中清夜弭節長生宮廣寒忽墮  
人間世但怪步虛聲散瑤臺空四山沉沉萬籟  
寂天矯髯龍舞娛客弭貂老仙期不來獨倚欄  
干吹玉笛道人不怕九霄寒銀闕冰壺處處看  
天台四萬八千丈明年照我扶藜杖

儲福觀

唐玉真公主  
修真之地

路轉屏風壘雲藏帝子家窮幽行犖确息倦倚  
槎牙綠蘚封茶樹清霜折藥花世無勾漏令誰  
此養丹砂

龍門洞

我來香積寺清晨歷龍門孤峰撐蒼昊大壑裂  
厚坤古穴吹腥風峭壁挂爪痕水浮石楠花崖  
絡菖蒲根橫策意未饜褰裳探其源絕境豈可  
名恨我詩語煩須臾蒼雲合便恐白雨翻東走  
得平野萬里扶桑暎

布金院

萬里西來了宿緣憑鞭歆帽過年年山寒院落  
開爐月霜重郊原斲芋天淺碧鱗鱗人度徇長  
空杳杳鳥衝煙夜投蕭寺清無寐樓角三更月  
滿川

離堆伏龍祠觀孫太古画英惠王像

岷山導江書禹貢江流蹴山山爲動嗚乎秦守  
信豪傑千年遺迹人猶誦决江一支漑數州至

今禾黍連雲種孫翁下筆開生面岌業高冠摩  
屋棟徙木遺風雖峭刻取材尚足當世用寥寥  
後世豈乏人尺寸未施讒已衆要官無責空賦  
祿軒蓋傳呼真一閔奇勲偉績曠世無仁人志  
士臨風慟我遊故祠九頓首夜遇神君了非夢  
披雲激電從天來赤手騎鯨不施鞚

登灌口廟東大樓觀崕江雪山

我生不識柏梁建章之宮殿安得我冠侍遊宴

又不及身在滎陽京索間擐甲橫戈夜酣戰  
中迫隘息遠遊沂江來倚嶼山樓千年雪嶺闌  
邊出萬里雲濤坐上浮禹迹茫茫始江漢疏鑿  
功當九州半丈夫生世要如此齋志空死能無  
歎白髮蕭條吹北風手持卮酒酌江中姓名未  
死終磊磊要與此江東注海

郟縣道中息故里

衰髮不勝簪馳驅豈復堪客魂迷劔外歸息滿  
天南江路灘聲壯雲停雪意酣空懷小叢碧細  
酌破吳柑

宿江原縣東十里張氏亭子未明而起

寸廩驅人卒歲勞一官坐失布衣高劔南十月  
霜猶薄江上五更雞亂號孤枕擁衾尋短夢青  
燈照影著征袍客愁相續無時斷那得并州快  
剪刀

戲詠西州風土

劍南詩集 八  
衍沃綿千里融和被四時蠶叢角歌吹石室盛  
書詩綠樹藏漁市清江遶佛祠吾行更堪樂載  
酒上墓頤

宿彭山縣通津驛大風隣園多喬木終夜  
有聲

木欲靜風不止子欲養親不畱夜誦此語涕莫  
收吾親之沒今幾秋尚疑捨我而遠遊心冀乘  
雲反故丘再拜奉觴陳膳羞陶盎治米聲叟叟  
木甑炊麩香浮浮芼薑屑桂調甘柔稚鼈煮臠  
長魚脯夜敷枕席視衾裯晨起巢籠進衣裘哀  
樂此志終莫酬有言不聞九泉幽北風歲晚號  
松楸哀哉萬里爲食謀

眉州郡燕大醉中間道馳出城宿石佛院  
玻瓈春作江水清紫玉簫如雛鳳鳴漏聲不聞  
看爇燭俠氣未減欺飛觥單車萬里信有數二  
年三過寧忘情釵頭玉茗妙天下

坐上見白山  
茶格韻高絕



瓊花一樹真虛名，酒酣忽作檀公策。間道絕出東關城，清歌未斷去已遠。回首樓堞空，崢嶸貂裘狐帽醉走馬。陌上應有行人驚，徑投野寺睡正美。魚鼓忽報江天明。

雙柏

雙柏屹相向，剛巖如巨人。龍吟風雨夕，山立雪霜晨。閱世易成古，剗心不復春。扶顛要力量，歲晚莫全身。

戍卒說沉黎事有感

亭障曾無閱，歲寧頻聞夷。落犯王靈孤，城月落冤魂。哭百里，風吹戰血腥。瘴重厭看茅，葉赤春殘不放柳。條青焦頭爛額，知何補弭患。從來賢未形。

平羌道中望我眉山慨然有作

白雲如玉城翠嶺，出其上異境忽墮前。心目久蕩漾，別來二百日。突兀喜亡恙，飛僊遙舉手。喚

我一稅鞅此行豈或使屏迹事幽曠何必故山  
歸更破萬里浪

次韻何元立都曹贈行

元立用陳後山  
送蘇公詩韻

嘉榮東西川此別不爲遠徘徊凌雲寺決去未  
遽忍登高望故人煙樹參差見懸知今日夢不  
隔重城鍵平生相從意百年有未滿結巢青城  
雲期子在歲晚

次韻楊嘉父先輩贈行

貞元舊朝士太學老諸生半世不偶諧殘年正  
飄零危坐但愁悲一笑黃河清佳客如晨星俗  
子如春萍奇哉今日事諸賢送東征吸酒盃當  
空綴詩筆勿停明發復百憂君聽馬蹄聲

入榮州境

一起一伏黃茅岡崔嵬破丘狐兔藏炯炯寒日  
清無光單單終日行羊腸村落聚看如驚麀亦  
有銀釵伏短牆黃旗翻翻鼓其鏜畫角嗚咽吹

斜陽長筒汲井熬雪霜  
輓轡咿啞官道傍  
渺然孤城天一方  
傳者或云古夜郎  
其民簡朴士甚良  
千里鬱爲詩書鄉  
閉閣掃地焚清香  
老人處處是道場

井研道中

窮冬景方促  
下嶺路微平  
地瘦竹無葉  
風乾茅有聲  
客遊空自歎  
歸計與誰評  
尙喜長亭下  
雲穿夕照明

賴牟鎮早行

孤燈照影聽初雞  
攬轡情懷倍慘悽  
雪作未成雲意鬧  
茅荒無際客魂迷  
觸寒手指藏猶裂  
畏嶮圖書棄不攜  
老去有文無賣處  
等閒題遍蜀東西

初到榮州

亂山缺處城樓呀  
雙旗蕭蕭晚吹笳  
煙深綠桂臨絕壑  
霜落殘瀨鳴寒沙  
廢臺已無隱士嘯  
遺

金剛言夢 十二六 汲古閣  
宅上有高人家鈴齋下榻約僧話松陰枕石放  
吏衙盃羹最珍慈竹筍餅水自養山薑花地爐  
堆獸熾石炭瓦鼎號蚓煎秋茶少年遠遊無百  
里一飢能使行天涯豈惟慣見蓬婆雪直恐遂  
泛星河槎故巢肯作兒女戀異境會向鄉閭誇  
一盃徑醉憤自墮燈下髮影看鬢髻

城上

雙雙黃犢臥斜陽葉葉丹楓著早霜沙水自鳴

如有恨野花無主爲誰芳  
野筒味醞愁濡甲巴  
曲聲悲怯斷腸賴有生平管城子不妨驅使答  
風光

又

濯錦豪華夢不通歸然孤疊亂山中行歌滿道  
知人樂露積連村見歲豐萬瓦新霜掃殘瘴一  
林丹葉換青楓鵝黃名醞何由得且醉盃中琥

珀紅

榮州酒赤而勁甚  
鵝黃廣漢酒名

西樓夕望

夜郎城裏歎途窮，賴有西樓著此翁。  
溪鳥孤飛寒靄外，野人參語夕陽中。  
蒼天可恃何曾老，白髮緣愁却未公。  
俗態十年看爛熟，不如畱眼送歸鴻。

醉中懷眉山舊遊

勁酒少和氣，哀歌無歡情。  
故鄉不敢思，登高望錦城。  
錦城錦城那得去，髣髴墓頤路。  
遙知尊前人，指

我題詩處，我雖流落夜郎天。  
遇酒能狂似少年。

想見東郊攜手日，海棠如雪柳飛綿。  
漢嘉術者袁牧童謂

予明年春分後當還西州

登城望西崦

登城望西崦，數家斜照中。  
柴荆晝亦閉，乃有太古風。  
慘淡起炊煙，寂歷下釣筒。  
土瘦麥苗短，霜重桑枝空。  
恐是種桃人，或有采芝翁。  
何當宿樓上月明，照夜春。

甲午十一月十三夜夢右臂踊出一小劍  
長八九寸有光既覺猶微痛也

少年學劔白猿翁曾破浮生十歲功玉具挂頤  
誰復許蒯緱彈鋏老猶窮牀頭忽覺蛟龍吼天  
上方驚牛斗空此夢怪奇君記取佩刀猶得世

三公

齋中夜坐有感

荒山爲城溪作壕風鼓巨木聲翻濤鳴梟築屋  
彈不去狐狸欺人怒豎毛雨來紅鶴更可惡爭  
巢一似嬰兒號城孤屋老草木茂正坐人少此  
輩豪急呼五百具畚鍤欲掀窟穴窮腥臊忽然  
語罷却自笑殘年何至與汝麀浣花江色綠如  
黛春波灑灑浮輕舸行當繫纜柳陰下仰聽鷺  
語傾香醪

晚登橫溪閣

樓鼓聲中日又斜憑高愈覺在天涯空桑客土

生秋草野渡虛舟集晚鴉瘴霧不開連六詔俚  
歌相答帶三巴故鄉可望應添淚莫恨雲山萬  
疊遮

又

犂确坡頭筇竹枝西臨村路立多時賣蔬市近

還家早煮井人忙下麥遲

榮多鹽井秋冬  
收薪茅取急

病客

情懷常怯酒山城老景盡供詩晚來試問愁多

少只許高樓橫笛吹

昭德堂晚步

笑喚枯筇蹋夕陽探春聊作靜中忙高枝鵲語  
如相命幽徑梅開祗自香苔蝕斷碑驚世換鐘  
來廢寺覺城荒謫仙未必無遺恨老欠題詩到  
夜郎

龍洞

在榮州東  
南一里許

峭崖磨天如立壁柵根橫走松倒植呀然一岫  
驚倒人空洞坡陀三百尺幽陰宜為異物託角

爪痕存猶可識想當蟠螫未奮時腥風逼人雲  
觸石一朝偶爲旱歲起卷海作雨飛霹靂向來  
伊呂正如此莘渭千年有遺迹我欲酌酒招蛭  
蜒安用辛苦常行天太平海內多豐年歸來故  
祠聽管弦

客中夜寒戲作長謠

孤翁癡鈍如寒蠅霜夕不暝愁嚴凝寢衣觸體  
起芒粟鼻息噓潤成冰凌齶齶默數嚴譙鼓耿  
耿獨看幽窗燈支牀龜老共夜永號月雞冷同  
晨興白狐紫貂了不暖何況蜀錦并吳綾靜思  
忽得安樂法人生所欠絮與繒十年一衲尙可  
過不信請視匡山僧

高齋小飲戲作

梅花又發鬼門關坐覺春風萬里寬荔子陰中  
時縱酒竹枝聲裏彊追歡丁年漢使殊方老子  
夜吳歌昨夢殘白帝夜郎俱不惡兩公補處得



憑欄子五年間  
自夔客榮

太液黃鵠歌有引羅選

漢始元元年春二月黃鵠下建章宮太

液池中公卿上壽賜諸侯王列侯宗室

金錢子夜讀漢書追作歌一首

建章宮裏春風寒太液水生池面寬中人馳奏

黃鵠下龍旗豹尾臨池看芹香藻暖鵠得意左

右從官呼萬歲須臾傳詔宴公卿驩聲如雷動

天地時平宮省遊樂多黃鵠刷羽涵恩波小臣

珥筆龍墀下願繼前朝天馬歌

自唐安徙家來和義出城迎之馬上作

身如林下僧處處常寄包家如梁上鷲歲歲旋

作巢豈惟人所憐顧影每自嘲眼看佳山水不

得結把茅造物困豪傑如視餓虎哮要令出精

神感激使叫呶頗息投筆去走馬盤雲旂三更

冒急雪大戰梁楚郊

乙未元日除夕得制司檄催赴官

五十人間老大身更堪從此數新春  
簌簌漏鼓催窗色急急文書動驛塵  
病後光陰常自惜客中節物為誰新  
壯心只向郵亭盡自揣頭顱莫問人

別榮州正月十日

浮生歲歲俱如夢一枕輕安亦可人  
偶落山城無事處暫還老子自由身  
嘯臺載酒雲生屨僊

穴尋梅雨墊巾便恐清遊從此少  
錦城車馬漲

紅塵

嘯臺在富義門外一里號孫登嘯臺雙溪王氏有石穴黃太史榜曰地仙洞

聞仲高從兄計

去國萬里遊發書三日哭久矣吾已衰  
哀哉公不淑寄書墨未乾玉立在我目  
天高鬼神惡生世露電速丹心抱忠貞  
白首悲放逐九閻不可叫百身何由贖  
文章果何罪一斥獨不復上壽阿母前  
悔不早碌碌

夏日過摩訶池

烏帽翩翩白紵輕  
摩訶池上試閒行  
淙潺野水鳴空苑  
寂歷斜陽下廢城  
縱轡迎涼看馬影  
袖鞭尋句聽蟬聲  
白頭散吏元無事  
却爲興亡一愴情

早行

笮馬踐槐影  
紗籠吹蠟香  
憑鞭尋斷夢  
側帽受微涼  
病骨更疎放  
衰懷罷激昂  
道邊雙石筍  
笑

我伴人忙

天申節前三日  
大聖慈寺  
華嚴閣燃燈甚  
盛遊人過於元夕

萬瓦如鱗百尺梯  
遙看突兀與雲齊  
寶簾風定燈相射  
綺陌塵香馬不嘶  
星隕半空天宇靜  
蓮生陸地客心迷  
歸途細踏槐陰月  
家在花行更

向西

予官居在花行距寺數里

喜雨

五月二十二日

黃塵赤日欲忘生一夜新涼滿錦城雨急驟增  
 車轍水泥深漸壯馬蹄聲蚊蠅歛迹知無地燈  
 火於人頓有情市遠雞豚不須問小畦稀甲已  
 堪烹

夜聞浣花江聲甚壯

浣花之東當笮橋犇流齧橋橋為搖分洪初疑  
 兩蛟舞觸石散作千珠跳壯聲每挾雷雨橫巨  
 勢潛俗鼉鼉驕夢回聞之坐太息鐵衣何日東  
 征遼街枚度磧沙颯颯盤槩斷隴風蕭蕭不然  
 投檄徑歸去短篷臥聽錢塘潮

暑行憩新都驛

細細黃花落古槐江臯不雨轉輕雷長空鳥破  
 蒼煙去落日人從綠野來散策意行尋水石脫  
 巾高臥避氛埃羈遊未羨端居樂看月房湖又  
 一回

早發新都驛

喔喔江村雞迢迢縣門漏  
 河漢縱復橫繁星明  
 如晝愛涼趣上馬未曉閱  
 兩堠高林起宿鳥絕  
 澗落驚狖寺樓插蒼煙  
 沙泉瀉幽竇我行忽萬  
 里坐歎關河濶官如廣文  
 冷面作拾遺瘦今年  
 盍歸哉勿落春雁後

謁諸葛丞相廟 彌牟八  
陳原上

漢中四百天所命老賊方持太阿柄  
 區區梁益豈足支不忍安坐觀異姓  
 遺民亦知王室在閨位那干天統正  
 公雖已沒有神靈猶假賊手誅  
 鍾鄧前年我過沔陽祠再拜奠俎衰  
 淚迸潔齋請作送迎詩精忠大義神其聽

自漢州之金堂過沈氏竹園小憩坐間微  
 雨

修修萬竹壓康莊碧玉掾圍一尺疆  
 雪節煙梢誰暇賞馬蹄車轍可憐忙  
 帽邊忽墮吹香句肘後舊傳醫俗方  
 更覺清遊天所惜坐來飛雨度

橫塘新舊谷丈更覺尚熟天初留坐來乘雨  
歸自小雲頂上雲頂寺  
素衣雖成緇不爲京路塵躍馬上雲頂欲呼飛  
仙人飛仙不可呼野僧意甚真煎茶清樾下童  
子拾墮薪我少本疎放一出但坐貧縛袴屬橐  
鞬哀哉水雲身此地雖暫寓失喜忘吟呻故溪  
歸去來歲晚息鱸尊  
馬上微雨

三日觸毒暑衣垢背汗浹今日旦殊蕭然涼雨吹  
醉頰瘦松無橫枝蠹竹少全葉渚蓮乃可念  
泣如放妾豈惟人意適我馬亦振鬣遠村有歸  
人清溪爭晚涉

彌牟鎮驛舍小酌

郵亭草草置盤盂買果煎蔬便有餘自許白雲  
終醉死不論黃紙有除書角巾墊雨蟬聲外細  
葛含風日落初行遍天涯身尚健却嫌陶令愛

吾廬風日涼  
遊彌牟菩提院  
庭下有凌霄藤  
附古楠其

絳英翠蔓亦佳哉  
零亂空庭碼瑙盃  
遍雨新花

天有意定知閒  
客欲閒來

佛經云天風吹萎  
花更雨新好者

樓上醉歌

我遊四方不得意  
陽狂施藥城都市  
大瓢滿貯

隨所求聊為疲民起  
憔悴瓢空夜靜上  
高樓買

酒捲簾邀月醉  
醉中拂劍光射月  
往往悲歌獨

流涕剗却君山  
湘水平斫却桂樹  
月更明

太白詩剗

却君山好平鋪湘  
水流老杜丈夫有  
志苦難成

詩斫却月中桂清  
光應更多

修名未立華髮生

伏日獨遊城西

幕府重來老令威  
山川良是管人非  
癡兒已遣

了官事伏日元知  
當早歸避熱幽花  
房自歛迎

秋高樹葉先飛論  
詩敢補先師處僭  
拂江頭舊

釣磯

五鼓送客出城馬上作

夜漏餘十刻涼颼如九秋灘聲聒酒醒月色照人愁落魄悲孤宦龍鍾怯遠遊此生那可料六

歲劍南州

寓舍書懷

俗得茅齋近笱橋羈懷病息兩無聊春從豆蔻梢頭老日向檇菡齒上消叢竹曉兼風力橫高梧夜挾雨聲驕書生莫倚身常健未畫凌煙鬢已凋

夜登城樓

熟當作熟

上天何蒼蒼四序浩旋斡異哉今年熟炊鬻不可活夜分睡復起搖筆腕欲脫疆登城西樓月露渺空闊憑欄弄清影涼颼入蕉葛溼螢沾草根驚鶻起木末亦知難久畱襟袍資一豁人事迭廢興天理交予奪羲和不停馭去若弦上筈



此熱會當衰歲晚備裘褐不制煖去苦熱土膏

試茶木末亦味難入西落所資一器人專

蒼爪初驚鷹脫鞵得湯已見玉花浮睡魔何止

避三舍歡伯直知輸一籌日鑄焙香懷舊隱谷

簾試水憶西遊銀鉸銅碾俱官樣恨欠纖纖爲

捧甌

成都大閱

千步毬場爽氣新西山遙見碧嶙峋令傳雪嶺

蓬婆外聲震秦川渭水濱旗脚倚風時弄影馬

蹄經雨不霑塵屬橐縛袴毋多恨久矣儒冠誤

此身

書懷

萬里馳驅坐一飢自憐無計脫塵鞿身畱幕府

還家少眼亂文書把酒稀客路更逢秋色晚故

山空有夢魂歸芋羹豆飯元堪飽錯用人言恨

子威

子規遊大智寺

脫髮紛滿梳衰顏不堪照百年忽已半去日如  
過燒平生功名心上馬無燕趙爾來閱世故萬  
事驚鎔料豈無舊笏儔聯翩半廊廟誰能伴此  
老泝峽聽猿叫錦城得數公意氣如再少偷閒  
訪野寺繫馬追一笑新糟厭玉狸良酒亦復醜  
古殿黽黽豪壞壁冠佩肖摩挲宋公詩句法歎  
高妙正如霓裳曲零落得遺調歸途繚長堤掠  
面霜氣峭佳遊不可忘落筆君勿誚

看月睡晚戲作

香火課夙興風月畱晚睡直言散吏閒亦未盡  
無事舊聞雲臺翁高枕閱塵世至今青嶂間鼻  
息亂松吹平生寡嗜好所願究此味千年一欠  
伸笑看巖花墜

成都書事

劔南山水盡清暉濯錦江邊天下稀煙柳不遮

樓角斷風花時傍馬頭飛  
毛羹筍似稽山美斫  
膾魚如笠澤肥客報城西有園賣老夫白首欲  
忘歸

息又

大城少城柳已青東臺西臺雪正晴  
鶯花又作新年夢  
絲竹常聞靜夜聲  
廢苑煙蕪迎馬動  
清江春漲拍堤平  
尊中酒滿身彊健  
未恨飄零過此生

雙溪道中

曉山笮橋門天低日未暎  
綠陂寒淡淡白霧遠  
昏昏古路亂車轍  
行人驚雁羣  
征塗不須厭  
蓬轉本無根

牛飲市中小飲呈坐客

牛飲橋頭小市東  
店門繫馬一尊同  
已能自置功名外  
尚欲相期意氣中  
褐擁紫茸迎曉日  
酒翻紅浪醉春風  
從今莫約無疎索  
竹外梅花欲

惱公賦輶春風於今笑解無事索竹杖琳瑯  
 心各自警於時時意屏中斷謝謝世與朝日  
 乳烹佛粥遽如許菜簇春盤行及時草木欣欣  
 渠得意乾坤浩浩我何私懷材所忌多輕用學  
 道當從不自欺且莫置規君勿怪修身三省自

先師

山午寢

眼澀朦朧不自支欠伸常恨到牀遲庭花著雨

晴方見野客敲門去始知灰冷香煙無復在湯  
 成茶椀徑須持頽然却自嫌疏放旋了生涯一  
 首詩

白髮

我生實多遭九折行晚途憂傷日熏心驚見頰  
 與顱稍生秋風時競出寒雨餘星星初尚稀  
 顰不可除管如春柳妍今作霜蓬枯蓬枯有再  
 綠念我豈得如平管樂方外固與功名疏投鐻

三歎息金丹豈無書

明日午睡至暮復次前韻

酒力醺然入四支  
華胥稅駕不應遲  
殘年已覺衰難彊  
萬事無如睡不知  
幸有琴書供枕籍  
安能冠帶更支持  
紅爐過盡灰如雪  
獨守青燈坐畫詩

醉中長歌

闌干斗柄搖天東  
人間一夜回春風  
注桃染柳

歲相似惟我衰顏非  
咎紅可憐逢春不自感  
更欲使氣驚兒童  
煙郊射雉錦臆碎  
水亭供鱸金盤空  
歸穿南市萬人看  
流星突過連錢驄  
高樓作歌醉自寫  
墨光燭焰交長虹  
人生未死賢適意  
萬里作客元非窮  
故人夜直金鑾殿  
僵臥獨聽宮門鐘

對酒

扇邊生怕庾公塵  
索笑來遊錦水濱  
四野雲齊

初釀雪一枝梅動已催春綠尊有味能消日白  
髮無情不貸人商略此生何所恨太平時得自  
由身

人日飲昭覺

天涯羈旅逢人日病起消搖集寶坊雪水初融  
錦江漲梅花半落綠苔香家山松桂年年長幕  
府文書日忙自笑餘生有幾許一菴俗與得  
深藏

上元前一日

異縣客遊久今年春事遲峭寒增酒價微雨惱  
燈期老態人未覺孤愁心自知停車呼病婦疆  
出伴諸兒

上元

細細香塵暗六街魚鱗淺碧茸雲開新粧褰幕  
全身見誤馬隨車一笑回酒釀頓忘風力峭夜  
長猶恨漏聲催京華舊侶彫零盡短鬢成絲心

未灰

又

病起衰顏非咎紅偷閒聊與少年同一規寒玉  
挂樓角十點華星來坐中久戍遺民雖困弊承  
平舊鎮尙繁雄歸時瘦馬崔嵬影定有遊人笑  
此翁

喜譚德稱歸

少鄙章句學所慕在經世諸公薦文章頗恨非  
素志一朝落江湖爛熳得自恣討論極王霸事  
業窺莘渭孔明景略間却立頗眦睨從人無一  
欣對食有三喟譚侯信豪雋可笑不朽事天涯  
再相見握手更拔淚欲尋西郊路斗酒傾意氣  
浩歌君和我勿作尋常醉

春感

少時狂走西復東銀鞍駿馬馳如風眼看春去  
不復惜。只道歲月來無窮。初遊漢中亦未覺一

飲尚可傾千鍾  
義魚狼藉漾水濁  
獵虎蹴蹋南山空  
射棚命中萬人看  
毬門對植雙旗紅  
華堂却來弄筆硯  
新詩醉草誇坐中  
劔關南山纔幾日  
壯氣摧縮成衰翁  
雪霜蕭颯已滿鬢  
蛟龍鬱屈空蟠脣  
隣園杏花忽爛熳  
推枕彊起隨遊蜂  
遠看百匝幾歎息  
吹紅洗綠行怱怱  
算年逢春尚有幾  
常恐春去尋無踪  
青錢三百幸可辦  
且判爛醉酤郢筒

春晴暄甚遊西市施家園

稅駕名園半日留  
遊絲飛蝶晚悠悠  
驟暄不爲海棠計  
長晝只添鸚鵡愁  
老去自驚詩酒減  
客中偏覺歲時遒  
東風好爲吹歸夢  
著我松江弄釣舟

花時遍遊諸家園

看花南陌復東阡  
曉露初乾日正妍  
走馬碧雞坊裏去  
市人喚作海棠顛



共裏又市人與我共崇顛

為夢名花抵死狂只愁風日損紅芳綠章夜奏

通明殿乞借春陰護海棠

陸機又

翩翩馬上帽簷斜盡日尋春不到家偏愛張園

好風景半天高柳臥溪花

蘇軾又

花陰掃地置清尊爛醉歸時夜已分欲睡未成

欹倦枕輪囷帳底見紅雲

又

宣華無樹著啼鶯惟有摩訶春水生故老能言

當日事直將宮錦裏宮城

又

枝上猩猩血未晞尊前紅袖醉成圍應須直到

三更看畫燭如椽為發輝

重華又少品最高何謝建寶華影高會當車輝

重萼丹砂品最高可憐寂寞棄蓬蒿會當車載

金錢去買取春歸亦足豪

小東門外有千葉朱砂海棠一株奇麗絕

代在荒圃中  
人罕見者

而未如韓前  
臨西輞  
大園  
熟影直徑

又

絲絲紅萼弄春柔不似疎梅只慣愁常恐夜寒

花索寞錦茵銀燭按涼州西春水主姑步韻言

又

飛花盡逐五更風不照先生社酒中輸與新來

雙燕子啣泥猶得帶殘紅

今年二月二日  
社而海棠已過

又

海棠已過不成春絲竹淒涼鎖暗塵眼看燕脂

吹作雪不須零落始愁人

曉過萬里橋

曉出錦江邊長橋柳帶煙豪華行樂地芳潤養

花天擁路看欹帽窺門笑墜鞭京華歸未得聊

此送流年

此致自合江亭涉江至趙園

政為梅花憶兩京海棠又滿錦官城鴉藏高柳

陰初密馬涉清江水未生風掠春衫驚小冷酒

潮玉頰見微頰殘年飄泊無時了腸斷樓頭畫

角聲雲不度零密欲愁人

寂寞春晴不如春好竹裏禽鳴柳外燕飛

一庭舞絮鬪身輕百尺遊絲弄午晴靜喜香煙

淡曲几臥驚玉子落紋枰新春易失遽如許薄

宦忘歸何似生安得一船東下峽江南江北聽

鶯聲

豐稔

劔南詩彙卷第六

終

劔南詩彙目錄

卷第七

題明皇幸蜀圖 春寒連日不出 馬上

偶成 夜宴 觀音院讀壁間蘇在廷少

卿兩小詩次韻 首二 錦亭 晚起 雨

春晚書懷 出朝天門繚長堤至劉侍郎

廟由小西門歸 夜分讀書有感 中夜

聞大雷雨 春殘 武擔東臺晚望 行

武擔西南村落有感 小飲房園 飯昭

覺寺抵莫乃歸 自芳華樓過瑤林莊

書懷 遊東郭趙氏園 卜居首二 馬上

夜登江樓 書歎 三月一日府宴學

射山 對酒 題直舍壁 遊園覺乾明

祥符三院至莫 遊合江園戲題 三月

十六日作 食齋首三 次韻范文淵 題

醉中所作艸書卷後 登子城新樓遍至

西園池亭 小疾謝客 歸耕 聞孫巖

老挂冠歎仰之餘輒賦長句 松驥行

遣興 野意 雨中登安福寺墻 過野

人家有感 幽居晚興 飯保福 觀華

嚴閣僧齋 閒中偶題首二 病中戲書首三

病起書懷首二 寺樓月夜醉中戲作首三

晚過五門 躬耕 晚興 夏夜大醉

醒後有感 合江夜宴歸馬上作 齋居

書事 午夢合江瀆池納涼 晚步 姚

將軍靖康初以戰敗亡命建炎中下詔求

之不可得後五十年乃從呂洞賓劉高尚

往來名山有見之者予感其事作詩寄題

青城山上清宮壁間將軍儻見之乎 客

自鳳州來言岐雍間事悵然有感 席上

作 水亭偶題 避暑江上 夏白紵 并序

二首 久旱忽大雨涼甚小飲醉眠覺而有

作 明日開霽益涼復得長句 夜讀東

京記 感事 書歎 睡起 飯罷碾茶

戲書 夢遊山水奇麗處有古宮觀云雲

臺觀也 月下醉題 野外劇飲示坐中

與青城道人飲酒作 銅壺閣望月

連日得雨涼甚有作 待青城道人不至

劍客行 夜宴卽席作 宿沱江彌勒

院 學射道中感事 遊學射觀次壁間

韻 昇僊橋過風雨大至憩小店大龍挂

芳華樓夜宴遣興 六月九日夜步

月至朝真觀廿十日夜月中馬上作不百

歲 獨飲醉臥比覺已夜半矣戲作此詩

蒙恩奉祠桐柏 和范待制月夜有感

和范待制秋興 首三 和范待制秋日書

懷 首二

劔南詩彙目錄 卷七 終

劔南詩彙卷第七

題明皇幸蜀圖

天寶政事何披猖使典相國胡奴王弄權楊李

不足怪阿瞞手自裂紀綱八姨富賢尙有理何

至詔書褒五郎 天寶末下詔雪張易之兄弟 盧龍賊騎已洶

洶丹鳳神語猶琅琅人知大勢危繫卯天稔奇

旣如崩牆臺省諸公獨耐事歌詠功德卑虞唐

一朝殺氣橫天末疋馬西犇幾不脫向來諂子

知幾人賊前稱臣草間活劔南萬里望秦天行  
殿春寒聞杜鵑老臣九齡不可作魚蠹蛛絲金  
鑑篇  
鳳  
春寒連日不出

海棠花入燕泥乾梅子枝頭已帶酸老去嬾尋  
年少夢春分不減社前寒著書敢望垂千載嗜  
酒猶須隱一官正是閒時無客過小庭斜日倚  
闌干

無羈馬上偶成

城南城北紫遊韁盡日閒行看似忙刺水離離  
葛葉短連村漠漠豆花香夕陽有信催殘角春  
草無情上繚牆我亦人間倦遊者長吟聊復愴  
興亡

夜宴

酒浪搖春不受寒燭花垂燼忽堆盤山川路邈  
人將老絲管聲遶夜向闌四海交朋更聚散百



年光景雜悲歡自憐病眼猶明在更把名花半

醉看

是夕得范希元家晚海棠數枝繁麗一城所無

觀音院讀壁間蘇在廷少卿兩小詩次韻

揚鞭算出錦官城小院無僧有月明不信道人  
心似鐵隔城猶送擣衣聲

又

老去癡頑不受鑄姓名身後更須傳世間商略  
無歸處只合長齋繡佛前

知空錦亭

天公爲我齒頰計遣飫黃甘與丹荔又憐狂眼  
老更狂令看廣陵芍藥蜀海棠周行萬里逐所  
樂天公於我元不薄賢人不出長安城寶帶華  
纓真汝縛樂哉今從石湖公大度不計聾丞聾  
夜宴新亭海棠底紅雲倒吸玻璃鍾琵琶絃繁  
腰鼓急盤鳳舞衫香霧溼春醪凸盞燭光搖素  
月中天花影立遊人如雲環玉帳詩未落紙先

思是愧字

傳唱此邦句律方一新鳳閣舍人今有樣

鳳閣晚起

新晴窗日弄春妍  
幌小屏深意自便  
長恨病多妨痛飲  
却緣客少得安眠  
雛鷺故故啼簷角  
飛絮翩翩墮枕前  
欲著衣裳還嬾起  
重尋殘夢一悠然

大八雨

映空初作繭絲微  
掠地俄成箭鏃飛  
紙帳光遲

饒曉夢銅鑪香潤覆春衣  
池魚鱗鱗隨溝出梁  
燕翩翩接翅歸惟有落花吹不去  
數枝紅溼自相依

春晚書懷

萬里西遊爲覓詩  
錦城更付一官癡  
脫巾漉酒從人笑  
拄笏看山頗自奇  
疎雨池塘魚避釣  
曉鷺窗戶客爭碁  
老來怕與春爲別  
醉過殘紅滿地時

初句詩意

卷之七

及古詩

出朝天門繚長堤至劉侍郎廟由小西門

歸

曉從北郭過西城十里沙堤似席平澹日向人

供帽影微風傷馬助鞭聲歡情寂寂隨年減俗

事紛紛逐日生到處每求佳水竹晚途牢落念

歸耕

燕夜分讀書有感

光陰百歲已中分擬結茅茨老白雲萬里誰憐

新臥疾九重猶記舊能文枕邊得句題屏墨馬

上看山隔帽帚終恨無勞縻廩粟夜窗聊策讀

書勳

中夜聞大雷雨

雷車駕雨龍盡起電行半空如狂矢中原腥羶

五十年上帝震怒初一洗黃頭女真褫魂魄面

縛軍門爭請死已聞三箭定豕山何啻積甲齊

熊耳捷書馳騎奏行宮近臣上壽天顏喜閣門

明日催賀班雲集千官摩劔履長安父老請移  
蹕願見六龍臨渭水從今身是太平人敢憚安  
西九千里

春殘

石鏡山前送落暉春殘回首倍依依時平壯士  
無功老鄉遠征人有夢歸苜蓿苗侵官道合蕪  
菁花入麥畦稀倦遊自笑摧頽甚誰記飛鷹醉  
打圍

武擔東臺晚望

羅選

顛顛西窗已一翁登高意氣尚豪雄關河霸國  
興亡後風月詩人醉醒中病起頓驚雙鬢改春  
歸一掃萬花空欄邊徙倚君知否直到吳天日  
未窮

行武擔西南村落有感

騎馬悠然欲斷魂春愁滿眼與誰論市朝遷變  
歸蕪沒澗谷訝訝互吐吞一徑松楠遙見寺數

家雞犬自成村最憐高冢臨官道細細煙莎遍

燒痕

有大家高數丈旁又一冢差小莫知何代人也俗號太子基

小飲房園

宦遊到處即忘家況得閒身管物華疎索故人

緣病洒折除厚祿為看花泥新高棟初巢鷺萍

匝荒池已集蛙斟酌人生要行樂燈前起舞落

烏紗

飯昭覺寺抵暮乃歸

身墮黃塵每慨然攜兒蕭散亦前緣聊憑方外

巾盂淨一洗人間七箸羶靜院春風傳浴鼓畫

廊晚雨溼茶煙潛光寮裏明窗下偕我消搖過

十年

自芳華樓過瑤林莊

春晚江邊草過腰雨餘樓下水平橋名花未落

如相待佳客能來不費招欄角峭風羅袖薄柳

陰斜日玉驄驕此身醉死元關命敢笑聞雞趁

早朝日正鸞鶴北良烟瓦云開命嫌笑開樂談

吹時書懷

詩不能工浪得窮幾年衮衮看諸公摧頽已作

驥伏櫪畱滯敢嫌船逆風消日劇碁疎竹下送

春爛醉亂花中倚樓看鏡俱癡絕羸取煙蓑伴

釣翁

遊東郭趙氏園

清晨呼馬出馭吏請所之錦城浩如海我亦無

與期有花即入門莫問主人誰下馬據胡牀傲

睨忘訶譏人言白頭翁胡為尙兒癡老翁故不

癡俗花發吾詩詩句帶花香東風不敢吹徘徊

雙蛺蝶許汝鼻端知

卜居

歷盡人間行路難老來要覓數年間侯家米少

因添鶴買宅錢多為見山池面紋生風細細花

根土潤雨斑斑俗春乞火依隣里剩釀村醪約

微甚

往還斷雨玻璃滑香子人對剡魚凍烟竹烟餘  
因亦又買玉鏡  
南浮七澤弔沉湘西泝三巴掠夜郎自信前緣  
與人薄每求寬地寄吾狂雪山水作中濡味蒙  
頂茶如正焙香儻有把茅端可老不須辛苦念  
還鄉

馬上市

春殘馬上意悵悵縱轡微吟過數坊綠樹成帷  
連藥市清流如帶繞毬場城荒鼓角增悲壯苑  
廢雲煙尚莽蒼堪笑年來向詩嬾還家古錦只  
空囊

夜登江樓

平生胷中無滯畱曠然獨與造物遊天風駕我  
周寓縣夜半忽過江邊樓樓前茫茫天地濶萬  
頃月浸空江秋雲階無塵鸞鶴舞玉笛裂石魚  
龍愁肺肝澄澈納灝氣毛髮慘慄臨寒流世間

回首真一夢誰能更念酬恩讎

書歎

早得虛名翰墨林謝歸忽已歲時侵春郊射雉  
朝盤馬秋院焚香夜弄琴病酒閉門常兀兀哦  
詩袖手久悒悒浮沉不是忘經世後有仁人識  
此心

三月一日府宴學射山

北出昇仙路少東據鞍自笑老從戎百年身世  
酣歌裏千古功名感慨中天遠僅分山髣髴霧  
收初見日曛曨橫空我欲江湖去誰借冷然禦  
寇風

對酒

劉遵

閒○愁○如○飛○雪○入○酒○卽○消○融○好○花○如○故○人○一○笑○盃○  
自○空○流○鷺○有○情○亦○念○我○柳○邊○盡○日○啼○春○風○長○安○  
不○到○十○四○載○酒○徒○往○往○成○衰○翁○九○環○寶○帶○光○照○  
地○不○如○雷○君○雙○頰○紅○



不題直舍壁

文書那得廢哦詩羞作羣兒了事癡付與後人  
評此老一丘一壑過元規

遊園覺乾明祥符三院至莫

成都再見春事殘雖名閒官實不閒門前車馬  
開如市案上文檄高於山有時投罇輒徑出略  
似齊客偷秦關日斜僕夫已整駕顧景欲駐愁  
嘲訕豈知今朝有此樂放浪一笑開衰顏抽身

黃塵烏帽底得意翠木清泉間褰裳危磴窮犖  
确洗耳古澗聽淙潺豈惟頓覺宇宙廣政爾一  
散腰脚頑似聞青城縹緲處待我歸綴仙官班  
俊鷹解條卽萬里豈比倦翼方知還

遊合江園戲題

劉選

朱朱白白池臺間好風妍日開未殘我來覓醉  
苦草草常恨不如花意閒山雞飛起亂花落下  
上青林穿翠壑世間動步卽有拘常恨不如禽

意樂人言功名恐不免我願徜徉娛歲晚熟計  
 淫書理白魚何如縱獵牽黃犬成都四郊如砥  
 平安得雙鞬馳出城鞚飛塵起望不見從騎尋  
 我鳴鶻聲詩中竟快未見他勝

三月十六日作

石筍街西風景幽醉眠萬事付悠悠倦遊我已  
 七年客促駕春無三日畱枝上蝶稀紅藥老舍  
 中蠶起綠桑柔功名墮甌誰能問羞作飢鷹夜

掣鞬

食齋

日日思歸飽蕨薇春來齋美忽忘歸傳誇真欲  
 嫌荼苦自笑何時得瓠肥

又

采采珍蔬不待畦中原正味壓蓴絲挑根擇葉  
 無虛日直到開花如雪時

小善又

小著鹽醯助滋味微加薑桂發精神風爐歛鉢窮家活妙訣何曾肯授人

次韻范文淵

簞瓢氣已壓膏梁不傍朱門味更長細看高人忘寵辱始知吾輩可憐傷巖扃勾漏新丹竈香火匡廬古道場剩欲與君堅此約它年八十鬢

眉蒼

近有術者言僕壽過八十

題醉中所作草書卷後

劉選

曾中磊落藏五兵欲試無路空崢嶸酒為旗鼓筆刀槩勢從天落銀河傾端溪石池濃作墨燭光相射飛縱橫須臾收卷復把酒如見萬里煙塵清丈夫身在要立逆虜運盡行當平何時夜出五原塞不聞人語聞鞭聲

此坡翁僧履聲變化奇傑

登子城新樓遍至西園池亭

狂夫無計奈狂何何況登臨逸興多千疊雪山連滴博一支春水入摩訶吟餘騎省霜侵鬢釣

罷玄真雨滿蓑逐虜榆關期尙遠不妨隨處得  
婆娑

小疾謝客

小疾深居不喚醫消搖更覺勝平時癡人未害  
看周易名士真須讀楚辭綠徑風斜花片片畫  
廊人靜雨絲絲晚來頓覺清羸甚自置篝爐煮  
粟糜

歸耕

隨牒人間鬢欲疎歸耕且復補東隅甑炊地確  
新春米衣拆天吳舊繡圖有圃免煩官送菜叩  
門翻喜吏徵租不愁問字無來客惟欠楊雄宅  
一區

聞孫巖老挂冠歎仰之餘輒賦長句

聖賢在世龍行天出處何至爲物牽後人競作  
駒伏轅未死奄奄如九泉耶孫公者山澤僊嶮  
巖玉骨寒入肩哦詩調苦亂嘒蟬燥墨瘦字醜

不妍諸公好之攬使前六丁力盡山嶷然奏書  
告老不待年脫手徑上岷山巔吾儕一官自糾  
纏俛首鞭箠不自憐彊欲作詩誦公賢事偉辭  
卑難竝傳

一國松驥行

羅遜

驥行千里亦何得垂首伏櫪終自傷松閱千年  
棄澗壑不如殺身扶明堂士生抱材願少試誓  
取燕趙歸君王閉門高臥身欲老聞雞相蹴涕  
數行正令咿嚶死牀簣豈若橫身當戰場半酣  
浩歌聲激烈車輪百轉盤愁腸

遣興

鶴料無多又掃空今年真是浣花翁放教綠酒  
關身事畱得朱顏在鏡中挾彈園林芳徑雨投  
竿窗檻小溪風癡頑自笑歸何日家在東吳更  
向東

野意

小東門外曳筇枝白葛烏紗自一奇  
 閒客逍遙無吏責茂陰清潤勝花時  
 茶經每向僧窗讀菰米仍於野艇炊  
 便覺眼邊歸路近鏡湖禹廟見參差

雨中登安福寺塔

俗謂之羅遜黑塔

平生喜登高醉眼無疆界北顧極幽并  
 東望跨海岱喟然撫手歎從古幾成敗  
 英雄如過烏城郭但遺塊今朝上黑墻  
 千里曠無礙忽驚風霆掣坐覺天地晦  
 急雨挾龍腥溽暑為摧壞皇天念蟠鬱  
 令我寄一快那知書生狂自倚心眼大  
 更思駐潼關黃河看如帶

過野人家有感

縱轡江臯送夕暉誰家井臼映荆扉  
 籬犬吠窺人過滿箔蠶飢待葉歸  
吳人直謂桑曰葉世態十年看爛熟  
 家山萬里夢依稀躬耕本是英雄事  
 老死南陽未必非

幽居晚興

俗。鉏。斲。藥。喜。微。香。汲。井。澆。花。趁。晚。涼。曾。次。何。曾。  
橫。一。物。尊。前。尚。欲。笑。千。場。錦。江。秋。雨。芙。蓉。老。笠。  
澤。春。風。杜。若。芳。歸。去。自。佳。畱。亦。樂。夢。中。何。處。是。  
吾。鄉。

飯保福

筵。雨。雲。低。未。放。晴。閉。門。作。病。憶。閒。行。攝。衣。丈。室。  
參。耆。宿。曳。杖。長。廊。喚。弟。兄。飽。飯。卽。知。吾。事。了。免。

官。初。覺。此。身。輕。歸。來。更。欲。誇。妻。子。學。煮。雲。堂。芋。  
糝。羹。

觀華嚴閣僧齋

閣下自四月初至七  
月末日飯僧數千人

拂。劍。當。年。氣。吐。虹。喑。鳴。坐。覺。朔。庭。空。早。知。壯。志。  
成。癡。絕。悔。不。藏。名。萬。衲。中。

閒中偶題

楚。澤。巴。山。歲。歲。忙。今。年。睡。足。向。禪。房。只。知。閒。味。  
如。茶。永。不。放。羈。愁。似。草。長。架。上。漢。書。那。復。看。牀。

頭周易亦相忘客來拈起清談麈且破西窗半  
篆香

又中對

久矣雲衢歛羽翰退飛更覺一枝安七千里外  
新聞客十五年○前舊史官○花底清歌春載酒江  
邊○明月夜投竿○癡頑直為多更事○莫怪胷懷抵  
死寬○

病中戲書

五十忽過二流年消壯心避人便小疾移竹喜  
微陰洗甕閒○篋酒焚香靜○斲琴鏡中青鬢在切  
莫遣愁侵

又

微疾餞餘災時須藥裏開禽驚杵聲去蜂認蜜  
香來閉戶知長日全生幸散材晚涼幽興動疆  
到竹邊回

又



食筍動衰疾清羸逾兩旬藥囊隨臥起詩句雜  
吟呻架足書籤蠹窗凝酒榼塵免從官乞假且  
喜是閒身  
病起書懷  
病骨支離紗帽寬孤臣萬里客江干位卑未敢  
忘憂國事定猶須待闔棺天地神靈扶廟社京  
華父老望和鑾出師一表通今古夜半挑燈更  
細看

又

酒酣看劍凜生風身是天涯一秃翁捫蝨劇談  
空自許聞雞浩歎與誰同玉關歲晚無來使沙  
苑春生有去鴻人壽定非金石永可令虛死蜀  
山中

寺樓月夜醉中戲作

素壁徐升天宇間連峰積雪蒼茫間樓臺是處  
可見月無此巉巉羣玉山

何處又

水精盞映碧琳腴月  
下泠泠看似無此酒  
定從何處得判知  
不是文君壚

山中又

海山縹緲玉真妃  
貪看水輪不肯歸  
樓上三更風露冷  
旋圍步障換羅衣

晚過五門

五門路四月乳鴉啼  
綠樹閒遊但喜日  
初長薄

暑始知春已去  
樓頭風高舞雙旗  
畫角聲中日還  
算馬蹄特特無斷  
時老盡行人路如  
故

躬耕

莫笑躬耕老蜀山  
也勝菜把仰園官  
喚回癡夢塵機息  
空盡閒愁酒地寬  
無復短衣隨李廣  
但息微雨過蘇端  
十年世事茫如海  
輸與閒人靜處看

晚興

初月詩

老病愁趨畫戟門天教高臥浣花村山林獨往

雜屠釣世界皆空誰怨恩

禪祕要經言觀空之法自一城一國一世

界至三千大千世界皆空

千卷蠹書忘歲月一尊濁酒信乾

坤興來倚杖清江上斷角疎鐘正斂昏

夏夜大醉醒後有感

羅遜

少時酒隱東海濱結交盡是英豪人龍泉三尺

動牛斗陰符一編役鬼神客遊山南夜望氣頗

謂王師當入秦欲傾天上河漢水淨洗關中胡

虜塵那知一旦事大繆騎驢劔閣霜毛新却將

覆氊草檄手小詩點綴西州春素心雖願老巖

壑大義未敢忘君臣雞鳴酒解不成寐起坐肝

膽空輪困

合江夜宴歸馬上作

零露中宵溼綠苔江郊縱飲亦荒哉引盃快似

黃河瀉落筆聲如白雨來纖指醉聽箏柱促長

檠時看燭花摧頭顱自揣應虛死馬上長歌寄

此哀

齋居書事

慵養金丹換鬢鬚微霜正要稱清癯平生風露  
充蟬腹到處雲山寄鶴軀道室焚香勤守白虛  
窗點易靜研朱自知世事難諧偶不待幽人夜  
見呼

午夢

苦愛幽窗午夢長此中與世暫相忘。華山處士

如容見不覓仙方覓睡方。

江濱池納涼

雨過荒池藻荇香月明如水浸胡牀天公作意  
憐羈客乞與今年一夏涼

晚步

屏居無俗事薄暮行溪園斷續風蟬噪俯仰露  
葉翻月出照西壁參差見簷痕新沐嬾不櫛清  
冷入髮根臨流揮羽扇對月傾芳尊寄謝南昌

尉何必隱市門  
林氏風從  
姚將軍靖康初以戰敗亡命建炎中下詔

求之不可得後五十年乃從呂洞賓劉高

尚往來名山有見之者予感其事作詩寄

題青城山上清宮壁間將軍儻見之乎

造物困豪傑意將使有為功名未足言或作出

世資姚公勇冠軍百戰起西陲天方覆中原殆

非一木支脫身五十年世人識公誰但驚山澤

間有此熊豹姿我亦志方外白頭未逢師年來

幸廢放儻遂與世辭從公遊五嶽稽首餐靈芝

金骨換綠髓欻然松杪飛

客自鳳州來言岐雍間事悵然有感

表裏山河古帝京逆胡數盡固當平千門未報

甘泉火萬耦方觀渭上耕前日已傳天狗墮

十一月天狗墮今年寧許佛狸生會須一洗儒

長安聲甚大

酸態獵罷南山夜下營

卷之七

古今閣

席上作

綠波畫槳浣花船  
清簟疎簾角黍筵  
一幅葛巾林下客  
百壺春酒飲中仙  
散懷絲管繁華地  
寄傲江湖浩蕩天  
浮世升沉何足計  
丹成碧落珥

貂蟬

青城山中有孫太古畫碧落侍中范長生舉手整貂蟬像特妙

水亭偶題

涼榭閒拈玉笛吹  
十年疎放負明時  
溝中木斷誰曾問  
空裏蓬征自不知  
金井梧桐生晝寂  
綠

池蘋藻弄風漪  
人生行樂從來事  
此理何須更細推

避暑江上

苦熱厭城市  
初夜臨江湍  
風從西山來  
頗帶積雪寒  
堰聲靜尤壯  
噴薄如急灘  
頓遠車馬喧  
更覺衣裳單  
斷岸吐缺月  
恨不三更看  
且隨螢火歸  
城扉欲橫關

夏白紵

并序

古有四時白紵亦有止作一時者丙申

五月在成都烈暑可畏戲作夏白紵二

首 羅選

雲母屏薄望如空水精簾疎不礙風美人獨立  
何所似白玉芙蓉秋水中素綃細織冰蠶縷清  
寒不受人間暑晚來浴罷綠窗閒自把新詩教

鸚鵡

又

翔鸞矯矯離風塵眼明見此絕代人紗窗弄筆  
消永日臨得黃庭新逼真飛樓縹緲今何夕月  
與玉人同一色下簾不為九霄寒自要玲瓏看  
團璧

久旱忽大雨涼甚小飲醉眠覺而有作

暑雨蕭蕭滴夜長曉窗探俗九秋涼金荷淺酌  
閒傳酒銀葉無煙靜炷香舒雁且為賒死計鳴  
鳩便欲策勳忙散人亦未全無事枕簟琴書滿

一牀

明日開霽益涼復得長句

眈起東窗照眼明朝陽爛漫作新晴已聞雨斷  
空階滴更覺風從細葛生蛺蝶飛來停酒榼石  
榴飄落糝棋枰四時好處閒方覺不枉今年住

錦城

夜讀東京記

海東小胡辜覆冒敢據神州竊名號幅員萬里

宋乾坤五十一年讎未報煌煌藝祖中天業東  
都實宅神明奧卽今犬豕穴宮殿安得旄頭下  
除掃寶玉大弓久不獲臣子義敢忘巨盜景靈  
太廟威神在北鄉慟哭猶可告壯士方當棄軀  
命書生詎忍開和好孤臣白首困西南有志不  
伸空自悼

感事

青鬢當時映綠衣堯功曾預記巍巍玄都春老



人何在華表天高鶴未歸  
流輩凋疎情話少年  
光遲算壯心違倚樓不用悲  
身世倦鷁無風亦  
退飛

書歎

三代藏寶器世守參河圖  
埋湮則已矣可使列  
市區文章有廢興蓋與治亂符  
慶曆嘉祐間和  
氣扇大鑪數公實主盟  
渾灝配典謨開闢始歐  
王菑畚逮曾蘇大駕初渡江  
中原皆避胡吾猶  
及故老清夜陪坐隅  
論文有脉絡千古著不誣  
俯仰四十年綠髮霜蓬枯  
孤生尊所聞秉節不  
敢渝久幽士固有速售理  
則無世方亂珉玉吾  
其老江湖

睡起

睡味清酣鼻息輕  
碧幙文簾喜涼生  
片雲過處  
失簾影急雨來時  
聞瓦聲索虜尚憑三輔險  
散關未下九天兵  
白頭漫倚詩豪在手掣鯨魚意

未平下火天其白飯覺尚清寒  
飯罷碾茶戲書

江風吹雨暗衡門手碾新茶破睡昏  
小餅戲龍供玉食今年也到浣花村

夢遊山水奇麗處有古宮觀云雲臺觀也

神遊忽到雲臺宮太華彩翠明秋空  
曲廊下闕白蓮沼小閣正對青蘿峯  
林間突兀見古碣雲外縹緲聞疎鐘  
褐衣紗帽瘦如削遺像恐是希夷翁

窮搜未遍忽驚覺半窗朝日初曛曛  
却思巉然五千仞可使常墮胡塵中  
小臣昧死露肝鬲願扈鑿駕臨峻瀆  
何當真過此山下百尺嫋嫋龍旗風

月下醉題

黃鵠飛鳴未免飢此身自笑欲何之  
閉門種菜英雄老彈鋏息魚富賢遲  
生擬入山隨李廣死當穿冢近要離  
一樽彊醉南樓月感慨長吟恐

過悲  
野外劇飲示坐中  
悲歌流涕遣誰聽  
酒隱人間已半生  
但恨見疑

非節俠豈忘小忍  
就功名江湖舟楫行  
安往燕

趙風塵久未平  
飲罷別君攜劍起  
試橫雲海翦

長鯨

與青城道人飲酒作

君不見太傅晚歲具海舟  
歸欲極意東山遊  
翰

林偶脫夜郎謫  
大醉賦詩黃鶴樓  
兩公窮達何

足道同是逸氣橫  
清秋我無一事行  
萬里青山

白雲聊散愁有酒  
不換西涼州無酒  
不典鸕鷀

裘不作王猛傲  
睨坐捫蝨不作甯  
戚悲歌起飯

牛五雲覆鼎金丹  
熟笙鶴飄然戲十洲

銅壺閣望月

銅壺閣上看明月  
身在千尋白銀闕  
十年肺渴

今夕平皓然  
胷次堆冰雪恨無  
僊掌出雲表更

切南詩集

取墜露和玉屑夜闌三歎下危梯明日入閭火  
雲熱

連日得雨涼甚有作

九淵龍起跨蒼茫聊爲西州洗亢陽曉看空濛  
知歲稔夜聞點滴覺心涼紗幮不下蚊蠅靜焙  
火微溫書畫香睡足何須雲夢澤如雷鼻息撼  
隣墻

待青城道人不至

羅遜

我亦從來薄世緣偶然采藥到西川慵追萬里  
騎鯨客且伴千年化鶴僊金鼎養丹暎海日玉  
壺取酒醉江天朝來坐待方平久讀盡黃庭內  
外篇

劍客行

我友劍俠非常人袖中青虵生細鱗騰空頃刻  
已千里手決風雲驚鬼神荆軻專諸何足數正  
晝入燕誅逆虜一身獨報萬國讎歸告昌陵淚

如雨飛精收一使

夜宴即席作

宣華輦路牧牛羊摩訶龍池艸茫茫宮殿犁盡

餘繚牆南風遠吹禾黍香艸間白骨橫秋霜何

由喚起醜一觴癡人走死聲利場我獨感此愴

流光蘋花開時風榭涼美人縹緲如鸞翔堯年

舜日樂未央非子之故為誰狂

宿沱江彌勒院

雨足陂塘溢庭空艸樹荒衰年愁客路野寺憩

衣囊蛙吹喧孤枕蚊雷動四廊青燈照無寐寂

寞數更長

學射道中感事

學射山前宿雨收籃輿咿軋自生愁得閒何惜

傾家釀漸老真須秉燭遊道廢尚書猶乞米時

來按尉亦封侯自憐白首能豪在車轍何因遍

九州

此世遊學射觀次壁間詩韻

走遍人間鬢尚青爾來樂事滿餘齡  
傍潭秋爽鉏甘菊登嶽春暄采茯苓  
閒倚松蘿論劍術靜臨窗几勘丹經  
嚴光本是逃名者安用天文動客星

昇僊橋過風雨大至憩小店

觸熱真疑墮火灰雨如飛鏃亦佳哉  
空江魚鼈從龍起平野雷霆擁馬來  
正怪橫吹屋茅盡俄

聞下擊澗松摧晚來日漏風猶急  
臥看柴扉闔復開

龍挂 劉選

成都六月天大風發屋動地聲勢雄  
黑雲崔嵬行風中凜如鬼神塞虛空  
霹靂迸火射地紅上帝有命起伏龍  
龍尾不卷曳天東壯哉雨點車軸同  
山摧江溢路不通連根拔出千尺松  
未言爲人作年豐偉觀一洗芥蒂芻

為人芳華樓夜宴  
射虎將軍老不侯  
尚能豪縱醉江樓  
笙歌雜沓娛清夜  
風露高寒接素秋  
少日壯心輕玉塞  
莫年幽夢墮滄洲  
人間清絕沅湘路  
常笑靈均作許愁

遣興

老子從來薄宦情  
不辭落魄錦官城  
生前猶著幾兩屐  
身後更須千載名  
樓外雪山森曉色  
井

邊風葉戰秋聲一  
尊尚有臨邛酒  
却為無憂得

細傾

邛州宇文吏部餉酒絕佳

六月九日夜步月至朝真觀

朝斗真人有舊祠  
追涼老子曳筇枝  
從來步月難為客  
此夕聽琴合有詩  
竹院沉沉聞漏永  
玉繩耿耿看星移  
慙慙更作重來約  
迨及冰輪未缺時

十日夜月中馬上作

身遊碧海跨鯨魚心似寒氷貯玉壺衣溼三更  
清露墜眼明萬里片雲無橫空孤鶴曾相識  
髮飛僊定可呼老向人間無復意逝將從此謁

清都

百歲

百歲紛紛易白頭一年鼎鼎又清秋壯心空似  
驥伏櫪病骨敢懷狐首丘屠釣論交成酒隱山  
林高臥得天遊莫悲晚節功名誤卽死猶堪贈

醉侯

獨飲醉臥比覺已夜半矣戲作此詩

澤畔元非慕獨醒  
人一飲費經營也知世少  
蘇司業安得官如阮步兵  
醉著面顏驚少壯  
澆餘曾次失崢嶸  
更闌莫厭殘燈火  
臥聽空廊絡緯聲

蒙恩奉祠桐柏

少年曾綴紫宸班  
晚落危途九折艱  
罪大初聞



收郡印恩寬俄許領家山  
羈鴻但自思煙渚病  
驥寧容著帝閒回首觚稜  
渺何處從今常寄夢  
魂閒

和范待制月夜有感

榆枋正復異鵬飛等是垂頭受  
馭鞿坐客笑談  
嘲遠志故人書札寄當歸  
醉思葦菜黏篙滑饒  
憶鱸魚墜釣肥誰遣賢人同  
此感夜來風月夢  
苔磯

馬當作馬涉三平音  
執說久伴馬三止  
誤會作熱字彙作馬  
水

和范待制秋興書劇二首  
自十日麻步

策策桐飄已半空  
啼螿漸覺近房櫳  
一生不作  
牛衣泣萬事從渠  
馬耳風名姓已甘  
黃紙外  
陰全付綠尊  
中門前剝啄誰相  
覓賀我今年號  
放翁

又

睡臉餘痕印枕紋  
秋衾微潤覆爐熏  
井桐搖落  
先霜盡衣杵  
淒涼帶月聞  
佛屋紗燈明  
小像經

奮魚蠹蝕真文身如病驥惟思臥誰許能空萬

馬羣翁與田林姓火食婦問費盡真共賦詩

又

山澤沉冥氣尚豪鬢絲未遽歎蕭騷已忘海運

鯤鵬化那計風微燕雀高萬里客魂迷楚峽五

更歸夢隔胥濤故知有酒當勤醉自古寧聞死

可逃

和范待制秋日書懷二首游自七月病起

蔬食止酒故詩中及之

閒窗貝葉對旁行不覺城笳報夕陽嗜酒步兵

猶未達拂衣司諫亦成忙室無摩詰持花女囊

有婆娑等價香欲與衆生共安隱秋來夢不到

鱸鄉

陳文惠公松江詩云西風斜日鱸魚鄉傳本或誤作香字張文潛嘗辨之

又

故人無字寄相思敢向窮途怨不知老病已全

惟欠死貪嗔雖斷尚餘癡數莖雪鬢江湖遠九

轉金丹日月遲  
畚粟山苗俱可飽  
明年東去隱  
峨眉

劍南詩集卷第七終

劍南詩彙目錄

卷第八

遊學射山遇景道人  
城東醉歸深夜復

呼酒作此詩  
融州寄松紋劍  
歲晚

玉京行  
步出萬里橋門至江上  
晚步

數日寒頓減頗有春意感懷賦短歌

春愁  
歲暮感懷  
梅花  
寺居夙興

萬里橋江上習射  
關山月  
出塞曲

戰城南 讀書首二 晚過保福 偶過浣

花感舊遊戲作 夜讀唐諸人詩多賦烽

火者因記在山南時登城觀塞上傳烽追

賦一首 平明出小東門觀梅 寺居睡

覺首二 樓上醉書 醉題 初春出遊

芳華樓夜飲首二 東門外遍歷諸園及僧

院觀遊人之盛 城東馬上作首二 丁酉

上元首三 後陵永慶院在大西門外不及

一里蓋王建墓也有二石幢猶當時物又

有太后墓琢石為人馬甚偉 小飲趙園

和范舍人書懷 和范舍人病後二詩

末章兼呈張正字首二 江路見杏花 夜

聞雨聲 海棠首二 張園海棠 登劔南

西川門感懷 和范舍人永康青城道中

作 宿上清宮 登上清小閣 小憩長

生觀飯已遂行 新津小宴之明日欲遊

修覺寺以雨不果呈范舍人首二 眉州驛

舍睡起 送范舍人還朝 過魚蛇市小

寺 眉州作 過修覺山不果登覽 青

城縣會飲何氏池亭贈譚德稱 題菴壁

幽居首二 浣溪女 七月八日馬上作

江樓 夜登小南門城上 野步至青

羊宮偶懷前年嘗劇飲于此 月夜江濱

池納涼 華亭院僧房首二 乾明院觀画

登城 秋日登僊遊閣 自詠 雜詠

首四 大醉歸南禪弄影月下有作 訪楊

先輩不遇因至石室 病酒戲作 訪昭

覺老 晝臥 晚步江上 夜坐 夜行

悲秋 城北青蓮院方丈壁間有畫鸞

子者過客多題詩予亦戲作首二 睡起

天涯 暇日行城上同行追不能及 感

秋 雙流旅舍首三 早行至江原 安仁

道中首二 八月十四夜三义市對月

橋旅舍作 文君井 白鶴館夜坐 南

津勝因院亭子 登邛州譙門門三重其

西偏有神仙張四郎畫像張蓋隱白鶴山

中 書寓舍壁首二 次韻使君吏部見贈

時欲遊鶴山以雨止 西巖翠屏閣 幽

居院 中溪 天台院有小閣下臨官道

予為名曰玉霄 山中小雨得宇文使君

簡問嘗見張僊翁乎戲作一絕 雨中山

行至松風亭忽澄霽 贈宋道人 自山

中泛舟歸郡城 次韻宇文使君山行

同王無玷羅用之訪臨邛道士墓 登太

平塢 中夜投宿修覺寺 絕勝亭 雲

谿觀竹戲書首二 九月十日如漢州小獵

於新都彌牟之間投宿民家 獵罷夜飲

示獨孤生首三 自廣漢歸宿十八里草市

示東郊飲村酒大醉後作  
九月十八夜  
夢避雨叩一僧院有老宿年八十許邀畱  
甚勤若舊相識者夢中為賦此詩  
秋晚

登城北門

劍南詩集目錄

卷八終

劍南詩集卷第八

遊學射山遇景道人

肩輿適青郊飛屐登翠麓餘霜未泫瓦晨日初  
掛木推門覓黃冠避客似犇鹿雖無與晤語清  
坐意亦足豈知逢此士曠度超世俗欣然同一  
笑齒頰粲冰玉探囊贈奇艸甘香勝芎菊試臨  
清鏡照衰髮森已綠出門恣幽討老僊有遺躅  
丹竈雖已空藥丸遍山谷嗟予迫遲暮冠蓋厭

追逐結茅遠人境此計亦已熟若人真我友玉  
字當共讀客來不知處雞犬望雲屋

城東醉歸深夜復呼酒作此詩

冬夜走馬城東回追風逐電何雄哉五門鼓動  
燈火鬧意氣忽覺如章臺歸來脫靴靴滿霜月  
明如水浸野堂梅花滿手不可負催熾獸炭傳  
清觴書生所懷未易料會與君王掃燕趙只愁  
漸老不禁寒臥載輜車君勿笑

融州寄松紋劍

十年學劍勇成癖騰身一上三千尺術成欲試  
酒半酣直躡丹梯削青壁青壁一削平無蹤浩  
歌却過蓮花峯世人仰視那得測但怪雪刃飛  
秋空老胡畏誅奉約束假息漁陽連上谷願聞  
下詔遣材官恥作腐儒常碌碌

歲晚

歲晚城隅車馬稀偷閒聊得掩荆扉征蓬滿野



風霜苦多稼連雲雁驚肥報國有心空自信結  
茅無地竟安歸浣花道上人誰識華表千年老  
令威

玉京行

觀煉丹作

玉京清都奉紫皇赤明開皇劫茫茫有路坦如  
馳康莊憺哉背之趨死鄉絳陵朱兒朝吐光森  
然箭鏃攢玉牀潔齋山棲祓不祥朝餐夕食芝  
朮香縹囊藥笈出祕方日精月華鍊陰陽爐開

沐浴時日良清夜玉杵聞琳房服之刀圭換肝  
腸三十六帝參翱翔下視一笑爭奪場纍纍枯  
冢壓北邙

步出萬里橋門至江上

羅遜

久坐意不懌掩卷聊出遊一筇吾事足安用車  
與騶浮生了無根兩踵蹋百州常憶航巨海銀  
山卷濤頭一日新雨霽微茫見流求

在福州泛海東望見

西行亦足快縱獵南山秋騰身刺猛虎至

今血濺裘命薄每自笑  
投尉略已侯短劍隱市  
塵浩歌醉江樓頗疑屠博中  
可與共奇謀丈夫  
等一死滅賊報國讎  
徒倚萬里橋寒日墮前洲

入坐晚步

羅隱

出鼓一鼓奇事只安車

院荒有古意僧少無人聲  
徘徊楠陰下賞此落日  
明著書亦何急寂寞身後名  
今年復止酒歌舞陳空觥  
不如且消搖出門隨意行  
看竹入廢園望江上高城  
纖纖素月出靄靄蒼煙橫  
此夕當復奇緱山吹玉笙

數日寒頓減頗有春意感懷賦短歌

微陰寒不力破臘春暗動  
林梢報梅白水際聞鳥  
哢羈鴻漸整翮一一勞  
目送應憐飛蓬客猶作  
浣花夢平生江淮間裘  
馬事豪縱豈知老畏死  
齋鉢受蔬供忍饑每自  
笑小飲未敢痛何以慰  
寂寥臥聽壓春甕

春愁

春愁茫茫塞天地。我行未到愁先至。滿眼如雲  
 忽復生。尋人似瘡何由避。客來勸我飛觥籌。我  
 笑謂客君罷休。醉自醉。倒愁自愁。愁與酒如風  
 馬牛。

歲暮感懷

征塵十載暗戎衣。虛負名山采藥期。少日覆瓿  
 曾艸檄。卽今橫槊尚能詩。昏昏殺氣秋登隴。颯  
 颯飛霜夜出師。會有英豪能共此。鏡中未用歎

吾衰

梅花

公咏梅詩最多且好此尤獨絕

水崖雪谷木未芽。造物破荒開此花。神全形枯  
 近有道。意莊色正。知無衰。高堅政要飽。憂患放  
 棄何遽愁。荒遐移根上苑。亦過計竹籬茅屋。真  
 吾家。平生自嫌亦自許。妙處可識不可誇。金樽  
 翠杓未免俗。篝火爲試江南茶。  
借梅花胸中所欲言獨妙

寺居夙興

閒居無一事睡少自夙興空庭翠霧合高樹紅  
 日昇曳杖遶四廊悄然不逢僧厨煙俄漠漠魚  
 鼓亦登登晨粥香滿堂梁肉坐可憎匡一作山  
 在何許吾將買行滕

萬里橋江上習射

坡隴如濤東北傾胡牀看射及春晴風和漸減  
 雕弓力野迴遙聞羽箭聲天上攬槍端可落艸  
 間狐兔不須驚丈夫未死誰能料一竒他年下

百城

關山月

和戎詔下十五年將軍不戰空臨邊朱門沉沉  
 按歌舞廐馬肥死弓斷弦戍樓刁斗催落月三  
 十從軍今白髮笛裏誰知壯士心沙頭空照征  
 人骨中原干戈古亦聞豈有逆胡傳子孫遺民  
 忍死望恢復幾處今宵垂淚痕

出塞曲

佩刀一刺山爲開壯士大呼城爲摧三軍甲馬  
不知數但見動地銀山來長戈逐虎祁連北馬  
前曳來血丹臆却回射雁鴨綠江箭飛雁起連  
雲黑清泉茂艸下程時野帳牛酒爭淋漓不學  
京都賢公子唾壺塵尾事兒嬉

戰城南

王師出城南塵頭暗城北五軍戰馬如鎔繡出  
入變化不可測逆胡欺天負中國虎狼雖猛那  
勝德馬前嗚咿爭乞降滿地縱橫投劔戟將軍  
駐坡擁黃旗遣騎傳令勿自疑詔書許汝以不  
死股栗何爲汗如洗

讀書

面骨崢嶸鬢欲疎退藏只合臥蝸廬自嫌尚有  
人間意射雉歸來夜讀書

又

歸老寧無五畝園讀書本意在元元燈前目力

雖非咎猶課蠅頭三萬言

時方讀小澗前日

### 晚過保福

堂靜僧閒普請疎  
爐紅氈暖放參餘  
蓮花池上容投社  
柳子身中悔著書  
茶試趙坡如潑乳  
芋來犀浦可專車  
放翁一飽真無事  
擬伴園頭日

### 把鉏

偶過浣花感舊遊  
戲作

憶昔初為錦城客  
醉騎駿馬桃花色  
玉人攜手

上江樓一笑鈎簾賞  
微雪寶釵換酒忽徑去  
三  
日樓中香未滅  
市人不識呼酒仙  
異事驚傳一  
城說至今西壁餘  
小草過眼年光如  
電掣正月  
錦江春水生花枝  
缺處小舟橫  
閒倚胡牀吹玉  
笛東風十里斷腸聲

夜讀唐諸人詩多賦烽火者  
因記在山南  
時登城觀塞上傳烽追賦一首

我昔遊梁州軍中方罷戰  
登城看烽火川迴風

裂面青熒竝駱谷隱翳連鄠縣月黑望愈明雨  
急滅復見初疑雲罅星又似山際電豈無酒滿  
尊對此不能嚙低頭媿虎旅零落白羽箭何時  
復關中却照甘泉殿

平明出小東門觀梅

知心多別離慰眼易零落東風吹梅花爛漫照  
城郭晴日千堆雪偏宜馬上看逢迎無幾日不  
憺犯春寒明年花發時我在兩京道花香固無  
盡我亦未遽老脫帽髮如漆看花心未灰平戎  
那得妨持酒會有詩傳劔外來

寺居睡覺

虛窗寂寂夜三更燈斂殘光避月明老嬾只貪  
春睡美媿聞童子誦經聲

又

心地安平曉夢長忽聞魚鼓動修廊披衣起坐  
清羸甚想像雲堂魚粥香

僧雜菜餌之屬  
作粥名魚粥

樓上醉書

丈夫不虛生世間本意滅虜收河山豈知蹭蹬  
不稱意八年梁益凋朱顏三更撫枕忽大叫夢  
中奪得松亭關中原機會嗟屢失明日茵席畱  
餘潛益州官樓酒如海我來解旗論日買酒酣  
博塞爲歡娛信手梟盧喝成采牛背爛爛電目  
光狂殺自謂元非狂故都九廟臣敢忘祖宗神  
靈在帝旁

醉題

裘馬清狂錦水濱最繁華地作閒人金壺投箭  
消長日翠袖傳盃領好春幽鳥語隨歌處拍落  
花鋪作舞時茵悠然自適君知否身與浮名若  
箇親

初春出遊

春風初來滿刁州江水照人如潑油犢車芳艸  
南陌頭家家傾貲事遨遊萬里橋西繫黃驪爲



君一登散花樓半年長齋廢觥籌興來忽典千  
金裘小桃婀娜弄芳柔紅蘭茁芽滿春洲壚邊  
女兒不解愁鬪艸纔罷還藏鈎可憐世人自拘  
囚盎中乾坤舞蜉蝣百年苦短去日適問君安  
用萬戶侯

芳華樓夜飲

春風射雉苑城旁走馬還來入醉鄉夜暖酒波  
搖燭焰舞回粧粉鑠花光浮生一笑常難必此

樂它年未易忘莫作五陵豪俠看奚奴歸路有

詩囊

又

結客追遊亦樂哉城南城北古池臺香生赭汗  
連錢馬光溢金船撥雪醅難覓長繩縻日住且  
憑羯鼓喚花開一春政使渾無事醉到清明得  
幾回

東門外遍歷諸園及僧院觀遊人之盛水

劍南詩選 卷之八 十一  
馬上哦詩畫醉鞭東城南陌去翩翩微風蹙水  
魚鱗浪薄日烘雲卵色天。隔屋鳩鳴閒院落爭  
門花簇小鞦韆病來久已疎杯酌春物撩人又  
破禪無水益金罍對雲酒鑿負吳蘇烈日掛且  
城東馬上作如南如北古山臺香土醉下  
古寺名園處處行翩然南陌復東城手柔弓燥  
獵徒喜耳熱酒酣詩興生月似有情迎馬見鷺  
如相識向人鳴摩挲病眼還三歎猶擬中原看

太平

又

割鮮藉艸醉春醪仰看鳴鶻百尺高杜老何妨  
希稷高孔明本自陋袁曹邊頭插羽無傳檄篋  
裏盤鵬有舊袍寄語長安衆年少妓圍不似獵  
圍豪

丁酉上元

突兀毬場錦繡峯遊人士女擁千重月離雲海

飛金鏡燈射水簾掣火龍信馬隨車紛醉俠賣  
薪買酒到耕農今年自笑真衰矣但覺憑鞍睡  
思濃

又

鼓吹連天沸五門燈山萬炬動黃昏美人與月  
正同色客子折梅空斷魂寶馬暗塵思輦路釣  
船孤火夢江村古來漫道新知樂此意何由可  
共論

又

放翁也入少年場一笑燈前未歇狂翠袖成圍  
欺月冷。羶車爭道覺塵香。蠻酥點綴春風早楚  
餌留連夜漏長結騎莫辭侵曉色管人萬里看  
西涼

後陵

一作厚陵

永慶院在大西門外不及一里

蓋王建墓也有二石幢猶當時物又有太  
后墓琢石爲人馬甚偉

陵闕淒涼俯舊邦，恨流袞袞似長江。  
穿殘已歎金鳧盡，缺落空餘石馬雙。  
攫飯飢烏占寺鼓，避人飛鼠上經幢。  
阿和乳臭崇韜耄，堪笑昏童束手降。

小飲趙園

少年結騎厭追歡，漸老方知一笑難。  
邂逅偶能成午醉，登臨未覺怕春寒。  
高林橫靄丹青幅，亂蝶爭花錦繡團。  
滿眼風光索彈壓，酒盃須似蜀

江寬

和范舍人書懷

歲月如犇不可遮，卽今楊柳已藏鴉。  
客中常欠尊中酒，馬上時看檐上花。  
末路淒涼老巴蜀，少年豪舉動京華。  
天魔久矣先成佛，多病維摩尚在家。

和范舍人病後二詩末章兼呈張正字

放衙元不爲春醒，澹蕩江天氣未清。  
欲賞園花

先夢到忽聞簷雨定心驚香雲不動熏籠暖蠟  
淚成堆斗帳明關隴宿兵胡未滅祝公垂意在  
尊生

又

士生不及慶曆初下方元祐當勿疎請看蛟龍  
得雲雨豈比鳥雀馴階除舍人起視北門艸學  
士歸著東觀書劔外老農亦吐氣釀酒畦花常  
晏如

江路見杏花

我行浣花村紅杏紅於染數樹照南陂一林藏  
北崦雖慙嶺梅高繁麗豈易貶雨絲飛復止雲  
葉低未斂似嫌風日緊護此燕脂點身閒得縱  
觀無語吾所歉

夜聞雨聲

高簷夜雨瀉淋浪起擁寒衾旋炷香春事豈堪  
頻破壞客愁不可復禁當長併磊落輸耶釀輕

劍南詩彙 十五  
騎聯翩報海棠著意物華君莫笑世間得喪更  
茫茫

海棠

十里迢迢望碧雞一城晴雨不曾齊今朝未得  
平安報便恐飛紅已作泥

又

蜀地名花擅古今一枝氣可壓千林譏彈更到  
無香處常恨人言太刻深

張園海棠

洛陽春信久不通姚魏開落胡塵中楊州千葉  
簪曾見已歎造化無餘功西來始見海棠盛成  
都第一推燕宮池臺掃除凡木盡天地眩轉花  
光紅慶雲墮空不飛去時有絳雪縈微風蜂蝶  
成團出無路我亦狂走迷西東此園低樹猶三  
丈錦繡却在青天上不須更著刀尺裁乞與齊  
奴開步障

登劍南西川門感懷

自古高樓傷客情更堪萬里望吳京故人不見  
 算雲合客子欲歸春水生瘴癘連年須藥石退  
 藏無地著柴荆諸公勉畫平戎策投老深思看  
 太平

和范舍人永康青城道中作

風驅雨壓無浮埃驂驪千騎東方來勝遊公自  
 輩王謝淨社我亦追宗雷岷山樓上一徙倚如

地始闢天初開廓然眼界三萬里山一螿堙水  
 一杯世間幻妄幾變滅正自不滿吾曹哈丈夫  
 本願布衣老。達士詎畏蒼顏催。君看神君歲食  
 羊四萬一作方處處棄骨高成堆西山老翁飽松  
 麩造物賦予何遼哉

老氣傲兀并吞江湖

宿上清宮

永夜寥寥憩上清下聽萬壑度松聲星辰頓覺  
 去人近好境界風雨何曾敗月明。是夕山下風雨絕頂月明達曉早歲

文辭妨至道中年憂患博虛名一菴儻許西峰

往常就巢僊問養生

上官道人巢居山中

### 登上清小閣

樓觀參差倚晚晴偶然信脚得閒行欲求靈藥  
換凡骨先挽天河洗俗情雲作玉峰時特起山  
如翠浪盡東傾何因從此橫空去笙鶴飄然過

### 洛城

小憩長生觀飯已遂行

清絕長生觀再遊疑後身人間空石劫物外自  
壺春道士青精飯先生烏角巾回頭增悵望倦  
馬撲征塵

新津小宴之明日欲遊修覺寺以雨不果

### 呈范舍人

風雨長亭話別離忍看清淚濕燕脂酒光搖蕩  
歌雲暖不似西樓夜宴時

又



新津渡頭船欲開山亭準擬把離盃不如意事  
十八九正用此時風雨來

眉州驛舍睡起

平生百無能一嬾每自喜胡爲八年間逐食走  
萬里身如盤永轉心似爐丹死事君未免媿富  
賢不如已雨餘古驛涼晝寐無鎔履澹然得高  
臥睡息極清美心平了無夢驚魘何自起尚嫌  
漆園蝶肯作南柯螳斜陽生木影龍蛇滿窗紙  
煎茶儻已熟一笑問童子

送范舍人還朝

平生嗜酒不爲味聊欲醉中遺萬事酒醒客散  
獨悽然枕上屢揮憂國淚君如高光那可負東  
都兒童作胡語常時念此氣生癭況送公歸覲  
明主皇天震怒賊得長三年胡星失光芒旄頭  
下掃在旦暮嗟此大議知誰當公歸上前勉畫  
策先取關中次河北堯舜尚不有百蠻此賊何

能穴中國黃扉甘泉多故人定知不作白頭新  
因公併寄千萬意早為神州清虜塵

過魚蛇市小寺

六月苦多雨肩輿走江村過市居人集陟險兵  
子喧日昝休野寺汛掃開北軒霧氣如蒼虬天  
矯出洞門溪清見白石糾結菖蒲根遊魚去甚  
健投餌棄不吞嗟予獨何為貪祿忘故園馳驅  
不自恤面有風沙痕俯仰二十年竟孤明主恩

寄謝眾君子努力蘇元元

睢州作

扁舟久不泛墓津常恐黃塵解汚人爛醉破除

千日懣

予不至睢山三年矣

狂吟判斷四州春

此行自成都歷永康

唐安至

汀洲漸歎蘋花老風露初嘗荔子新便

欲騎鯨東海去勝遊未忍別峨岷

過修覺山不果登覽

前日泛江時雨昏失南山今日迎我馬髮鬢擁

髻鬟白塔映朱閣間見青林間問我豈忘之揚  
鞭亟西還西還亦聊爾行矣來憑欄擾擾紅塵  
中豈無一日閒會復賡此詩大書榜其顏但恐  
厄風雨清遊天所慳

青城縣會飲何氏池亭贈譚德稱

赤日黃塵行路難青城縣裏得偷閒十年去國  
悲霜鬢六月登樓望雪山醉客千言猶落筆美  
人斗酒未酡顏憑誰喚住譚夫子更與徘徊水

石間

題菴壁

偶向城南卜草廬二年浪迹寄樵漁大牀獨臥  
豪猶在萬衆橫行策竟疎清濁戲分春甕酒朱  
黃閒勘夜窗書衰顏安用頻看鏡日日元知有  
不如

幽居

殊方飄泊向誰論小住僧廬亦所欣得飽罷揮

求米帖。愛眠新著毀茶文。摘蔬籃小霑清露。斷藥鉏輕帶溼雲。從此生涯足幽事。宦遊虛用半生勤。

剡曲故廬歸未得。蹙從地主借茅茨。桃花春水夢不到。菰菜秋風心自知。彊健猶穿幾兩屐。榮華正似一鉤絲。此心炯炯無人會。煙雨蒼茫獨立時。

浣溪女

一作浣花女

江頭女兒雙髻丫。常隨阿母供桑麻。當戶夜織聲唧啞。地爐豆蘗煎土茶。長成嫁與東西家。柴門相對不上車。青裙竹笥何所嗟。插髻燦燦牽牛花。城中妖姝臉如霞。爭嫁官人慕高華。青驪一出天之涯。年年傷春抱琵琶。

七月八日馬上作

溝水浸新月。街槐生碧煙。明河七夕後。倦馬五

金百言真 三十二 江樓  
門前小市燈初開高樓鼓已傳賦詩寬客恨哦  
罷却凄然

江樓

急雨洗殘瘴江邊閒倚樓日依平野沒水帶斷  
槎流擣紙荒村晚呼牛古巷秋腐儒憂國意此  
際又搔頭

夜登小南門城上

曳杖上江城清宵破二更月回高樹影風壯急

灘聲野艇魚曾舉優場炬火明湖塘正如此回

首憶柴荆

予故山在  
鏡湖之南

野步至青羊宮偶懷前年嘗劇飲于此

錦官門外曳枯筇此地天教著放翁萬事元無  
工拙處一官已付有無中拏雲栢樹瘦蛟立繞  
郭江流清鏡空欲把酒盃終覺嬾緩歌曾醉落  
花風

月夜江濱池納涼

微逕荒城曲叢祠野水邊月能從我醉風欲駕  
人僊靜看黏螢艸遙聞采芡船熱官那有此畱  
滯莫尤天

華亭院僧房

半闔朱門見綠苔幽花仍傍小山開劔南七月  
暑未退明日更攜棋簞來

又

悠悠馬上困思茶休歇僧房到日斜殿背無人

綠錢滿小盆零落珊瑚花

乾明院觀畫

唐年蘭若占閒坊名畫蕭條半在亡簌簌踈篁

常似雨陰陰古屋自生涼入門壘鼓初催講喚

馬斜陽欲滿廊顯晦熟思真有數萬金奇跡棄

頽牆

院中有黃筌花竹幾  
二十壁多已壞矣

登城

我登少城門四顧天地接大風正北起號怒撼

危堞九衢百萬家樓觀爭岌業臥病氣壅塞放  
目意頗愜永懷河洛間煌煌祖宗業上天祐仁  
聖萬邦盡臣妾橫流始靖康趙魏血可蹠小胡  
寧遠略爲國恃剽劫自量勢難久外徯中已懾  
籍民備勝廣陞戟畏荆聶誰能提萬騎大呼去聲  
擁馬鬣奇兵四面出快若霜掃葉植旗朝受降  
馳驛夜奏捷豺狼一朝空狐兔何足獵遺民世  
忠義泣血受汗脅繫箭射我詩往檄五陵俠

百軍秋日登僊遊閣

馬蹄連早算車塵細如霧誰知此路邊高閣下  
風馭頗傳秋月夕語笑聯杖屨始知僊與人混  
迹無異處我來想鸞鶴稽首祈一顧飛僊不可  
見惟與白雲遇白雲如有情傷我欄角住俗問  
何山來雲驚却飛去

○自詠

華髮蕭蕭居士身江頭風雨折烏巾無人問字

尤宜嬾。有吏徵租未是貧。薄宦儻來難倚仗。舊  
交漸少每酸辛。敲門且復尋僧話。要結他生物  
外因。

雜詠

青羊宮中竹暗天。白馬廟畔栢如山。琴尊處處  
可消日。車馬紛紛自欠閒。

又

石犀廟壩江已回。陵谷一變吁可哀。卽今禾黍

連雲處。當日帆檣隱映來。

又

微風翻翻芋葉白。落日漠漠稻花香。出門縱轡  
何所詣。萬里橋南追晚涼。

又

世事盛衰誰得知。惠陵煙草掩柴扉。陵邊人家  
叢竹裏。燈火喧呼迎婦歸。

大醉歸南禪。弄影月下有作。



管我變姓名釣魚散花洲有船不用楫江急聽  
 自流卽今客錦城醉過百花樓天風吹筍輿快  
 若凌空遊月露浩無際指點隘九州君看塵土  
 中頗有此樂不題詩碧玉簡飛僊相畲酬酒醒  
 墮何處樓臺海山秋

訪楊先輩不遇因至石室

訪客客已去追涼成獨行衣冠嚴漢殿草木拱  
 秦城古甃蒼苔滑空庭落日明出門還懍恍列

屋打碑聲

牆東卽石經堂

病酒戲作

新秋風月佳數夕破酒戒飲少輒醉眠衰早頗  
 自怪高春未離枕眩轉疑屋壞家人具雞豚熟  
 視不能嚼尚無千里尊敢覓鏡湖蟹一盃苦蕒  
 齋價直娑婆界

訪昭覺老

久矣耆年罷送迎喜聞革履下堂聲遊山笑我

驀直去過夏憐君太瘦生庭際楠陰凝晝寂牆  
 頭鵲語報秋晴功名已付諸賢了長作閒人樂  
 太平

晝臥

秋暑侵人氣力微燒香高枕掩齋扉弄姿野蘼  
 晴猶斂作態江雲晚未歸身外極知皆夢事世  
 間隨處有危機故山松菊今何似晚矣淵明悟  
 昨非

晚步江上

萬里橋邊帶夕陽隔江漁市似清湘山林獨往  
 吾何恨車馬交流渠自忙高柳陰中扶拄杖平  
 沙穩處據胡牀故人京國無消息安得相攜共  
 此涼

夜坐

大風橫吹斗柄折迅雷下擊山壁裂放翁閉戶  
 寂不聞楞嚴卷盡燈花結

不夜行  
紅藤拄杖扶衰病  
村北村南破夜行  
閒繞長堤  
逐螢火戲臨荒沼  
問鼃聲倦遊但有  
笳管興久  
客真諳  
襍情安得故人同  
一醉三更城上看  
河傾

悲秋

一拋蓑笠雪溪舟  
八載梁州復益州  
纔破繁華  
海棠夢又驚搖落  
井梧秋曉班無復  
趨行殿晚  
境惟息老寢  
丘病肺經旬疎  
酒盞愁來惟是上  
南樓

城北青蓮院  
方丈壁間有畫鷺  
子者過客  
多題詩予亦戲作二絕句

一雙掠水鷺來初  
萬點飛花社雨餘  
辛苦成巢  
君勿笑從來吾亦愛  
吾廬

又

明窗短壁拂蛛絲  
常是江邊送客時  
畱滯錦城

生白髮不如巢鷺有歸期

睡起

閒身喜午睡睡起日猶早  
茂竹青入簷幽花紅出草  
苔錢亦滿砌護惜不忍掃  
宦情本自疎此地可忘老

天涯

天涯到處自生愁  
游子征塵暗弊裘  
燈火青熒五門夜  
風煙索莫二江秋  
帝城漫誦新詩句  
客路難逢舊輩流  
送老把茅須早決  
此生何止四宜休

暇日行城上同行追不能及

疾步登城殊未衰  
欣然一笑擲筇枝  
正當閒似白鷗處  
不減健如黃犢時  
秋野煙雲橫慘淡  
暮天樓閣倚參差  
高吟醉舞忘歸去  
乞與丹青畫怪奇

感秋

西風繁杵擣征衣。客子關情正此時。萬事從初  
聊復爾。百年疆半欲何之。畫堂蟋蟀怨清夜。金  
井梧桐辭故枝。一枕淒涼眠不得。呼燈起作感  
秋詩。

雙流旅舍

孤市人稀冷欲冰。昏昏一盞店家燈。開門拂榻  
便酣寢。我是江南行腳僧。

又

西風黃葉滿江村。瘦馬來穿渡口雲。動地傳呼  
逢醉尉。誰何禁殺故將軍。

又

每因髀肉歎身閒。聊欲勤勞鞍馬間。黑稍黃旗  
端未免。會衝風雪出榆關。

早行至江原

喔喔鳴雞促起程。翻翻飛鷺導孤征。節旄盡落  
歸猶遠。帶眼頻移瘦自驚。小市蕭條黃葉滿。斷

橋零落綠苔生。居人猶復多愁思。何況天涯倦客情。

安仁道中

千古臨邛路飄然偶獨遊。病身那迫老遠客更禁秋。水退橋未葺。渡閒船自流。飛騰付年少。回首思悠悠。

又

三驛未爲遠。衰翁愁出門。貪程多卒卒。失眠每

昏昏天大圍。平野江回隔。近村何時有餘俸。小築占雲根。

八月十四夜三义市對月

劉選

崇

去年看月籌邊樓。雲罅微光如玉鈎。主人不樂客歎息。清歌空送黃金舟。今年看月三义市。纖雲不作良宵崇。素娥命駕洗客愁。我亦傾杯邀笑醉。風露萬里方渺然。水輪無轍行碧天。盈盈耿耿意無盡。月不忍落人忘眠。一言欲報廣寒

殿茅簷華屋均相見明年萬事不足論但願月  
滿人常健。

豐橋旅舍作

劉逵

有勿與之達又有季子之感能言

我本山林人心期在塵表出門消底物兩屨萬  
事了羣兒何足愠為爾常悄悄今朝山中路更  
喜相識少三义市人醉爭席豐橋逆旅畱饋食  
小婦梳髻高一尺梭聲札札當戶織

文君井

劉逵

落魄西州泥酒盃酒酣幾度上琴臺青鞋自笑  
無羈束又向文君井畔來

相如琴臺在城都城中文君井在邛州相

傳為卓氏故宅

白鶴館夜坐

竹聲風雨交松聲波濤翻我坐白鶴館燈青無  
晤言廓然心境寂一洗吏卒喧袖手哦新詩清  
寒媿雄渾屈宋死千載誰能起九原中間李與  
杜獨招湘水魂自此競摹寫幾人望其藩蘭苕

看翡翠煙雨啼青猿豈知雲海中九萬擊鵬鷖  
更闌燈欲死此意與誰論

南津勝因院亭子

南江平無風如鏡新拂拭漁舟不點破潏潏千  
頃碧闌干西北角雲散山爭出坡陀競南走翠  
入窗戶窄江山不世情作意娛此客豈無尊中  
酒豪飲非宿咎明當還成都塵土埋馬跡後巖  
在眼中飛去無羽翼

後巖在鳳凰山後七八里山水尤奇絕

登邛州譙門門三重其西偏有神仙張四  
郎畫像張蓋隱白鶴山中

浮雲在腳底千里在眼邊攀躋忽至此倚柱眩  
欲顛車馬細如螳紛紛衢路間嗟汝何爲者馳  
驅窮歲年我本澹蕩人此心實愛閒向來出處  
際不媿咫尺天風吹哦詩聲十里搖西山懸知  
老僊翁爲我一粲然

書寓舍壁



天與癡頑不解愁。未埋病骨且閒遊。山於拄杖  
 橫時看路到。芒屨破處休。初擬燒丹住南嶽。却  
 因學劍客西州。秋風巾褐添蕭爽。又作臨邛十  
 日留。

又

落佩頽冠慣放慵。經旬寓館古臨邛。西偏取路  
 橫穿竹。北向開門倒看松。醉後蹇驢歸薄暮。閒  
 來支枕睡高舂。鵠鳴山谷曾遊處。剩欲扶犁學

老農

鵠鳴一名鶴鳴在邛之大邑縣

次韻使君吏部見贈時欲遊鶴山以雨止

暮頤江上約同行。白鶴峰前辱寄聲。青史功名  
 男子事後堂。歌舞故人情。午甌誰致葉家白。春  
 甕旋撥郎官清。登覽不嫌鳩喚雨。十年芒屨慣  
 山程。

西巖翠屏閣

把酒孤亭半日留。西巖獨擅鶴山秋。也知絕境

終難賦且喜閒身得縱遊  
鶻起危巢時磔磔鹿鳴深  
澗  
莫啣啣人生適意方爲樂  
甲第朱門祗自囚

幽居院

久墮塵沙裏幽尋始此行  
侵雲千嶂合披草一僧迎  
蘚潤泉時滴崖傾竹倒生  
登高忽平曠回首失崢嶸  
老矣猶孤客歸哉念耦耕  
結廬殊未定此地頗關情

中溪

散人無俗事日日山中行  
今朝中溪寺妙絕不可名  
幽處萬木合忽然千頃平  
綠黛染晴嶂白雲如玉城  
巖花勸小酌天風吹獨醒  
雖無九臯鶴奇哉此松聲  
我如折翼鵬回盡九萬程  
脫屣擲拄杖於此餞餘生

天台院有小閣下臨官道予爲名曰玉霄

竹輿衝雨到天台綠樹陰中小閣開牖作玉霄

君會否要知散吏按行來

予所領崇道觀蓋在天台山中五霄峰下

山中小雨得宇文使君簡問嘗見張僊翁

懋哉乎戲作一絕

張僊挾彈知何往清嘯穿林但可聞拾得鐵丸

無處用為君打散四山雲

張四郎常挾彈視人家有災疾者輒以鐵

丸擊散之

雨中山行至松風亭忽澄霽

煙雨千峰擁髻鬟忽看青嶂白雲間卷藏破墨

營丘筆却展將軍著色山

贈宋道人

我不如咎人騎鶴上九天玉簡奏事虛皇前平

生嗇養氣麤全兩腳馳走輕如煙鳥道懸崖忽

飛騫戲擲短劍聲鏗然轉盼跳下千仞淵已復

取劍升層巔騰猿俊鶻爭後先飢食松花掬飛

泉金骨綠髓漸凝堅口哦七字黃庭篇西來欲

訪挾彈僊丹經劍訣更精研嗟哉一失五百年

作詩付子勿妄傳

自山中泛舟歸郡城

我呼小艇浮南津落日亂山銜半輪背舩雙鷺  
低掠水下灘峭風冷逼人中流回望始太息煙  
中白堦高嶙峋適從彼來忽在此老夫拄杖捷  
有神尉曹堆盤笠澤膾秀才瀉榼中山春豈惟  
外物不挂眼醉後兀爾忘吾身朝冠行卽挂神  
武買犢遂欲耕我岷金丹自喜日日長白髮未  
許年年新擁橋炬火遠已開歸舍睡息清而勻  
明朝笑謂同載客有腳莫踏東華塵

次韻宇文使君山行

城中望西山爽氣固可致不如山中行衣屨染  
濃翠使君資高逸鐵馬奏橫吹平郊何曠蕩修  
竹亦清閔旣聞蘇門嘯遂挹浮丘袂似嫌太清  
絕開宴盡主意戲畱楚臺雲寶靨鬪姿媚珠貫  
按歌聲泉湧發詩思歸來殊不倦吏牘閱千紙

却笑江左人把酒輒遺事下客亦未衰尚可提

萬騎安能學胡公危苦寄鶴翅

仙人胡安學道西巖跨鶴上昇

山以此得名

同王無玷羅用之訪臨邛道士墓

樂天詩句本嘲諷那有人從碧海來五百年間

逢好事披榛來訪此崔嵬

登太平塢

我從平地來忽寄百尺巔眼力與脚力初不減

少年漸高山愈出杳杳浮雲煙舉手捫參旗日

月磨螳旋天風忽吹衣便欲從此僊且復下梯

去著書未終篇

中夜投宿修覺寺

陸走崔嵬水下瀧客中更復客它邦晚離方井

雲藏市夜渡新津火照江人語紛紛投野寺牀

敷草草寄僧窗五更風雨妨歸夢臥看殘燈吐

半缸

絕勝亭

蜀漢羈遊歲月侵京華乖隔少來音登臨忽據  
 三江會飛動從來萬里心地勝頓驚詩律壯氣  
 增不怕酒盃深一琴一劍白雲外揮手下山何  
 處尋

雲谿觀竹戲書二

氣益冰霜勁有餘江邊見此列僂癯清寒直入  
 人肌骨一點塵埃住得無

又

溪光竹色兩相宜行到溪橋竹更奇對此莫論  
 無肉瘦閉門可忍十年飢

九月十日如漢州小獵於新都彌牟之間

投宿民家

適從邛州歸又作漢州去天低慘欲雪遊子悲  
 歲暮十年辭京國疋馬厭道路野火炎高岡江  
 雲暗空戍角弓寒始勁霜鶻飢更怒邂逅成小

獵尺箠聊指呼北連武侯祠南竝稚子墓合圍  
蹙窮鹿設伏截狡兔壯哉帶箭雉取介死不顧  
吾寧暴天物戰法因得寓黃昏過民家休馬燎  
裘袴割鮮盛燔炙毛血灑庭戶老姥亦復奇汛  
掃邀我駐丈夫儻未死千金酬此遇

獵罷夜飲示獨孤生

客途孤憤只君知不作兒曹怨別離報國雖思  
包馬革愛身未忍價羊皮呼鷹小獵新霜後彈  
劍長歌夜雨時感槩却愁傷壯志倒瓶濁酒洗  
餘悲

又

關輔何時一戰收蜀郊且復獵清秋洗空狡穴  
銀頭鶻突過重城玉腕騶賊勢已衰真大慶士  
心未振尚私憂一樽共講平戎策勿爲飛鳶念  
少游

又

白袍如雪寶刀橫  
 醉上銀鞍身更輕  
 帖草角鷹掀兔窟  
 憑風羽箭作鴟鳴  
 關河可使成南北  
 豪傑誰堪共死生  
 欲疏萬言投魏闕  
 燈前攬筆涕先傾

自廣漢歸宿十八里草市

月黑叩店門燈青坐牀簣  
 飯麤雜沙土菜瘦等  
 草棘泰然均一飽未覺異  
 玉食我豈兒女哉口腹為  
 怨德古人恥懷祿不仕當  
 力穡從今扶犁

手終老謝翰墨

東郊飲村酒大醉後作

丈夫無苟求君子有素守  
 不能垂竹帛正可死隴畝  
 邯鄲枕中夢要是念所有  
 持枕與農夫亦作此夢否  
 今朝櫟林下取醉村市酒  
 未敢羞空囊爛熳詩千首

九月十八夜夢避雨叩一僧院有老宿年

八十許邀畱甚勤若舊相  
 識者夢中為賦



此詩

畫簷急雨傾高秋夜投丈室燈幽幽耆年擁毳  
雪滿頭拂拭牀敷邀我畱雛猊戲擲香出喉蓬  
蓬結成蒼玉毬蠻童揭簾侍者憂觸散香煙當  
罰油

秋晚登城北門

幅巾藜杖北城頭卷地西風滿眼愁一點烽傳  
散關信兩行雁帶杜陵秋山河興廢供搔首身  
世安危入倚樓橫槩賦詩非復管夢魂猶繞古  
梁州

劔南詩彙卷第八 終

劔南詩彙目錄

卷第九

秋興 夜飲 暮秋 二首 夜雨有感 草道

室 飯罷戲作 初冬夜宴 冬夜醉歸

復小飲 病酒述懷 數日暄妍頗有春

意予閒居無日不出遊戲作 八遣興 趙

將軍 并序 江樓醉中作 曳策 謁漢昭

烈惠陵及諸葛公祠宇 排遙夜 遠遊

大雪歌 又簡譚德稱 排悶 夜意 首三

玉局觀拜東坡先生海外画像 心太平

菴下訪客至西郊 得都下八月書報蒙

恩牧敘州 晚起 首二 江樓吹笛飲酒大

醉中作 晚登子城 夙興出謁 十一

月三日過升仙橋作三絕 遣興 草堂

拜少陵遺像 青羊宮小飲贈道士 夜

寒 首二 書懷 記夢 首二 醉中出西門偶

書 訪客不遇 劔客行 故蜀別苑在

城都西南十五六里梅至多有兩大樹天

矯若龍相傳謂之梅龍予初至蜀嘗為作

詩自此歲常訪之今復賦一首丁酉十一

月也 閑意 飲罷夜歸 江亭冬望

大風登城 書雨 一笑 歲晚懷鏡湖

舊隱慨然有作 華髮 歎息 冬至

城南尋梅 首四 書歎 感興 首二 暮冬夜

宴南枕上 謁石犀廟 江上散步尋梅

偶得首三 漣漪亭賞梅 芳華樓賞梅

浣花賞梅 蜀苑賞梅 大醉梅花下走

筆賦此 之廣都憩鐵像院 廣都江上

作 宿龍華山中寂然無一人方丈前梅

花盛開月下獨觀至中夜 次韻張季長

正字梅花 次韻季長見示 廣都道中

呈季長 看梅歸馬上戲作首五 別後寄

季長 中夜對月小酌 客愁 詩酒

道室夜意 道室晨起 城南王氏莊尋

梅 遊萬里橋南劉氏小園 過笮橋道

中龍祠小畱 道上見梅花 倚樓 寄

王季夷 丁酉除夕 正月二日晨出大

東門是日府公宴移忠院 小飲落梅下

戲作送梅 立春 初春出遊戲作 初

春遣興首三 予年十六始識葉晦叔於西

湖上後二十七年晦叔之弟聲叔來爲臨

邛守相遇於成都晦叔沒久矣訪其遺文

略無在者乃賦此詩 初春探花有作

遊諸葛武侯書臺 觀花 張園觀海棠

月夕 夜飲卽事 夜宴賞海棠醉書

二月十六日賞海棠 卽席 東歸有

日書懷 眉州披風榭拜東坡先生遺像

劔南詩彙目錄 卷九 終

劔南詩彙卷第九

秋興

成都城中秋夜長燈籠蠟紙明空堂高梧月白

繞飛鵲衰草露溼啼寒蠶堂上書生讀書罷欲

眠未眠偏斷腸起行百匝幾歎息一夕綠髮成

秋霜中原日月用胡曆幽州老酋著柘黃滎河

溫洛底處所可使長作旃裘鄉百金戰袍鷓鴣

盤三尺劔鋒霜雪寒一朝出塞君試看旦發寶

雞算長安 袞露雲寒 一陣出塞 豈堪香且發寶

盃夜飲 何如身 斗飲來 派可金輝 醉飄飄

引劍酣歌亦壯哉 嬰君笑覆手中盃 秋鴻陣密

橫江去 算角聲酣戰 雨來莫恨皇天無老眼 請

看白骨有青苔 中年倍覺流光速 行矣西郊又

見梅

算秋

時序中年速風霜 客路長孤愁 巴月白清夢楚

山蒼燈暗秋銜壁 鐘疎夜殷床 端居有微祿不

敢恨殊方

又

萬里歸無策 八年淹此畱 羞蒙子公力 寧倦長

卿遊聽雨瀟湘夜 飛鷹鄴杜秋 更須論富貴此

計亦悠悠

夜雨有感

北風吹雨暗江郊 十月僧廬旋補茆 病馬敢希

三品料驚禽聊借一枝巢少時諸老爭求識晚  
歲殊方罕定交閉戶不妨新得趣丹經盈篋手

親抄

道室

一室冷如冰人疑在定僧手稱丹竈火紗護佛  
龕燈食減形雖槁心虛氣自凝平生坐忘論字

字欲銘膺

飯罷戲作

南市沽濁醪浮螳甘不壞東門買彘骨醯醬點  
橙齏蒸雞最知名美不數魚蟹輪困犀浦芋磊  
落新都菜欲賡老饕賦畏破頭陀戒況予齒日  
疎大嚼敢屢嘍杜老死牛彘千古懲禍敗閉門  
餌朝霞無病亦無債

初冬夜宴

絲管紛紛燭滿堂梟盧擲罷夜飛觴帷犀風定  
歌雲暎香獸煙濃漏箭長泛菊已成前日夢揆

梅又續去年狂醉歸自笑摧頹甚冷逼貂裘怯  
曉霜

冬夜醉歸復小飲

野外歸來晚空庭露氣新  
乍晴雲妬月多病酒  
欺人倚杖行吟久投盃起舞頻  
早梅消息動春事漸關身

病酒述懷

閒處天教著放翁  
艸廬高臥笻橋東  
數莖白髮

悲秋後一酸青燈病酒中  
李廣射歸關月墮劉  
琨嘯罷塞雲空  
古人意氣憑君看  
不待功成固已雄

數日暄妍頗有春意予閒居無日不出遊  
戲作

小春花蕾索春饒已有暄風入紫貂  
村路雨晴鳩婦喜射場草綠雉媒嬌  
苑邊結客飛金勒樓上誰家弄玉簫  
莫怪夕陽歸獨後早梅喚我度



谿橋

蜀宣華苑在摩訶池上

○遣興

已八少陵之室矣

耆舊日凋謝。將如此老何。懣拈如意舞。狂叩唾壺歌。郡縣輕民力。封疆恃虜和。功名莫看鏡。吾意已蹉跎。

趙將軍

并序

客為予言靖康建炎間關中奇士趙宗印者提義兵擊虜有衆數千所向輒下

不濟大慟於王景略廟盡以金帛散其

下被髮入華山不知所終予感其事為

慕隱公作此詩

我夢遊太華雲開千仞青。擘山瀉黃河萬古仰。巨靈往者旣亂初氛禳。干太寧豈無臥雲龍。一起奔風霆時事方鎔謬。三秦盡羶腥山河銷王氣。原埜失大刑將軍散髮去短劔。斷袂苓定知。

三峰上爛醉今未醒

江樓醉中作

淋漓百榼宴江樓

星主酒人間寧有地

慕劉伶贈醉侯戲語

年畱

慈竹蕭森拱廢臺

牛羊下黯黯長空

京梅傍戰塵開客懷

肉哀

謁漢昭烈惠陵及諸葛公祠宇

雨止風益豪雪作雲

翁仲畫妓空笙竽

密幽鳥哢尚想忠武

營氣已無岐雍少須

天意定破賊寧患衆

興亡

初有詩集 卷之九 及古閣

信有數星隕事可痛陵邊四五家茆竹居接棟

手皸紙上箔

居民皆以造紙為業

醅熟酒鳴甕雖嗟生理

微亦足追飢凍劉葛固雄傑閱世均一夢論高

常近迂才大本難用九原不可作再拜臨風慟

### 遙夜

遙夜雨聲急悒悒窗戶幽開編堯舜在得句鬼神愁同俗愚儒臯容身壯士羞燈殘不成睡曉角動南樓

### 遠遊

遠遊行復歲華新嬾學劉郎問大鈞一點不蒙稽古力十分合作臥雲身苦寒與酒頓增價小雨為梅先辟塵擬佩一壺江路去花邊醉墮白綸巾

### 大雪歌

累日作雪竟不剽選成戲賦此篇

長安城中三日雪潼關道上行人絕黃河鐵牛僵不動承露金盤凍將折虬鬚豪客狐白裘夜

來醉眠寶釵樓五更未醒已上馬衝雪却作南  
山遊千年老虎獵不得一箭橫穿雪皆赤拏空  
爭死作雷吼震動山林裂崖石曳歸擁路千人  
觀髑髏作枕皮蒙鞍人間壯士有如此胡不來  
歸漢天子

一種語夢無不可賦

簡譚德稱

幼輿骨相稱山巖自要閒遊不避讒錦里先生  
爲老伴玉霄散吏是頭銜探春苑路花蒸帽看

月江樓酒滿衫惟恨題詩無逸氣媿君陣馬與  
風颿

排悶

世事何知與願違十年高臥看羣飛獵圍花市  
無人問漁艇煙村有夢歸銀燭焰長搖酒浪寶  
刃佩穩壓戎衣君看白首寒窗客俠氣縱橫亦

未非

夜意

初有詩

卷之九

及古

名姓人誰記。形骸老漸侵。酒慳停劇飲。詩退負  
高吟。雨隔疎更斷。雲藏古院深。衰遲常兀兀。惆  
悵少年心。又魚鱗。空村有夢。孤蓬。西窗。寶  
心清如睡。少氣定覺神凝。但有奉無媿。何妨百  
不能。燈昏如隔霧。研冷欲生冰。兀爾遺身世。東  
窗待日升。

瘴地晨霜薄。郊墟暮雨昏。啼螿如有恨。微火解  
相溫。末路真無策。孤忠敢自言。輪囷肝膽在。白  
首倚乾坤。

玉局觀拜東坡先生海外画像

商周去不還。盛哉漢唐宋。蘇公本天人。謫墮爲  
世用。太平極嘉祐。珠玉始包貢。公車三千牘。字  
字岌飛動。氣力倒犀象。律呂諧鸞鳳。天驥西極  
來。矯矯不受鞚。飛騰上臺閣。廢放落雲夢。至寶

不侵蝕終亦老侍從晚途遷海表萬里天宇空  
豈惟騎鯨魚遂欲跨螭心空物莫撓氣老筆  
愈縱。糝糠郊祀歌遠友清廟頌我生雖後公妙  
句得吟諷整衣拜遺像千古尊正統

心太平菴

余取黃庭語  
名所寓室

天下本無事庸人擾之耳曾中故湛然忿欲定  
誰使本心倘不失外物真一蠹困窮何足道持  
此端可死空齋夜方中窗月淡如水忽有清磬

鳴老夫從定起

訪客至西郊

撼撼敗葉飛黯黯寒雲低村墟與市里觸目一  
慘悽今日病體輕駕言適城西丹柿滿野店青  
帘出江隄獵騎載雉兔樵檐懸鷄雞居人各自  
得使我念故谿故谿不敢說況復朝金闥傷哉  
齧雪翁歲晚猶牧羝下愚不自還大惑終身迷  
君恩何由報力耕愧黔黎

念百詩集 十一  
得都下八月書報蒙恩牧敘州

鳳城書到錦江邊故里歸期愈渺然掌上山川  
初入夢壺中日月尚經年方輪落落難推轂倦  
馬駸駸怕著鞭未佩魚符無吏責看花且作拾

遺顛

戊期尚在明年冬

晚起

賣劍捐書絕世緣掩關高枕送流年久從道士  
學踵息誰管門生嘲腹便化蝶飛時嗟昨夢睡

蛇去後喜安眠欠伸看起東窗日也似金鑿過

八軌

又

學道逍遙心太平幽窗鼻息撼牀聲柳花無蒂  
蠻璫煖龜甲有紋僧帳明候起兒童陳盥櫛笑  
衰人客闖柴荆此生睡足無餘念安用元戎報

五夏

江樓吹笛飲酒大醉中作

羅隱

世言九州外復有大九州此言果不虛僅可容  
吾愁許愁亦當有許酒吾酒釀盡銀河流酌之  
萬斛玻瓈舟酣宴五城十二樓天爲碧羅幕月  
作白玉鈎織女織慶雲裁成五色裘披裘對酒  
難爲客長揖北辰相獻酬一飲五百年一醉三  
千秋却駕白鳳驂班虬下與麻姑戲玄洲錦江  
吹笛餘一念再過劔南應小畱

晚登子城

江頭作雪雪未成北風吹雲如有營驅車出門  
何所詣一放吾目登高城城中繁雄十萬戶朱  
門甲第何崢嶸錦機玉工不知數深夜窮巷聞  
吹笙國家自從失河北煙塵漠漠暗兩京胡行  
如鬼南至海寸地尺天皆苦兵老吳將軍獨護  
蜀坐使井絡無攬槍名都壯邑數千里至今不  
聞戎馬聲安危自古有倚仗相持默默非敵情  
棘門灞上勿兒戲犬羊豈憚渝齊盟



轉門夙興出謁  
嗜酒狂無敵  
居家嬾有餘  
苦寒愁手版  
美睡付肩輿  
覓句吟哦慣  
逢人省識疎  
亦知歸去好  
無地著蝸廬

十一月三日過升仙橋作

早過升仙不暇炊  
橋邊買麩療朝飢  
紛紛滿座誰能識  
大似新豐獨酌時

又

熨手金鞭天馬駒  
冰河雪谷笑談無  
只言燕趙多奇士  
豈必書生盡腐儒

又

橋邊沙水綠蒲老  
原上煙蕪黃犢閒  
老子真成興不淺  
憑鞍歸夢遶家山

遣興

蓬壺舊隱已微茫  
浪迹紅塵樂未央  
縱酒山南千日醉  
看花劔外十年狂  
新詩刻燭驚詞客  
駿

劍南詩集 十三  
馬追風戲鞠場要是世間男子事不須臺省競  
飛翔

艸堂拜少陵遺像

清江抱孤村杜子咎所館虛堂塵不掃小徑門  
可欵公詩豈紙上遺句處處滿人皆欲拾取志  
大才苦短計公客此時一飽得亦罕阨窮端有  
自寧獨坐房琯至今壁間像朱綬意蕭散長安  
貂蟬多死去誰復算

青羊宮小飲贈道士

青羊道士竹爲家也種玄都觀裏花微雨晴時  
看鶴舞小窗幽處聽蜂衙藥壚宿火熒熒煖醉  
裊迎風獵獵斜老我一官真漫浪會來分子淡  
生涯

夜寒

清夜焚香讀楚詞寒侵貂褐歎吾衰輕冰滿研  
風聲急忽記山陰夜雪時

斗帳重茵香霧重膏梁那可共功名三更騎報  
河水合鐵馬何人從我行

書懷

武擔山上望京都誰記黃公舊酒壚宿負本宜  
輸左投寬恩猶聽補東隅一官漫浪行將老萬  
卷縱橫只自愚甫里松陵在何許古人投劾爲  
尊鱸

記夢

烏巾白紵憶當年抵死尋春不自憐顛顛劔南  
雙鬢改夢中猶上暗門船

又

團臍霜鬢四腮鱸樽俎芳鮮十載無塞月征塵  
身萬里夢魂也復醉西湖

醉中出西門偶書

古寺閒房閉寂寥幾年耽酒負公朝青山是處

可埋骨。白髮向人羞。折腰末路自悲終。老蜀少年常願從。征遼醉來挾箭西郊去。極目寒蕪雉

兔驕

訪客不遇

許多懶散不得意

風急斜吹帽泥深。亂濺衣杜門常畏罵。訪客却空歸。老馬舉蹄嬾。枯槐無葉飛。馳驅幾時了。散

髮憶苔磯。

劍客行

世無知劍人。太阿混凡鐵。至寶棄泥沙。光景終不滅。一朝斬長鯨。海水赤三月。隱見天地間。變化豈易測。國家未滅胡。臣子同此責。浪迹潛山海。歲晚得劍客。酒酣脫匕首。白刃明霜雪。夜半報讐歸。斑斑腥帶血。細讐何足問。大恥同憤切。臣位雖卑賤。臣身可屠裂。誓當函胡首。再拜奏北闕。逃去變姓名。山中餐玉屑。

故蜀別苑在城都西南十五六里梅至多

有兩大樹夭矯若龍相傳謂之梅龍予初

至蜀嘗為作詩自此歲常訪之今復賦一

首丁酉十一月也

昔年曾賦西郊梅茫茫去日如飛埃即今衰病

百事懶陳迹未忘猶一來蜀王故苑犁已遍散

落尚有千雪堆珠樓玉殿一夢破煙蕪牧笛遺

民哀兩龍臥穩不飛去鱗甲脫落生莓苔精神

最遇雪月見氣力苦戰冰霜開羈臣放士耿獨

立淑姬靜女知誰媒摧傷雖多意愈厲直與天

地爭春回蒼然老氣壓桃杏笑我白髮心尚孩

微風故為作嫵媚一片吹入黃金罍

閒意

柴門雖設不曾開為怕人行損綠苔妍日漸催

春意動好風時捲市聲來學經妻問生疎字嘗

酒兒斟瀲灩盃安得小園寬半畝黃梅綠李一

時栽

飲罷夜歸

老病畏多酌，退閒愁夜行。  
市燈疎欲盡，樓月澹初生。  
露冷莎蛩咽，天高塞雁征。  
歸來差自喜，擁被聽疎更。

江亭冬望

霜落江清水，見魚偶來徙。  
倚草亭孤雪，天黯淡常如晚。  
煙樹微茫直欲無，下澤棄車終碌碌。  
上方請劔漫區區，擬將疎逸消豪氣。  
尋罷酒徒尋

獵徒

大風登城

風從北來不可當，街中橫笛人馬僵。  
西家女兒午未粧，帳底爐紅愁下牀。  
東家喚客宴畫堂，兩行玉指調絲簧。  
錦繡四合如垣墻，微風不動金猊香。  
我欲登城望大荒，勇欲爲國平河湟。  
才疎志大不自量，西家東家笑我狂。

光祿開合

書雨

詩集

卷之九

及古

仲冬候始寒丙夜天正黑雨來挾風助吼擊不  
遺力聲如拔高山勢若伐強國初憂老柏折遂  
恐石筍踏乾坤本無心百神各効職蛟龍鬪歲  
算豪橫理莫測農功幸已成龍怒亦會息屋漏  
何足言袖手姑默默

風笑一笑

半醉微吟不怕寒江邊一笑覺天寬莫愁艇子  
急衝雨何遜梅花頻倚闌萬事任從皮外去百

年聊作夢中觀放翁縱老狂猶在倒盡金壺燭  
未殘

國定歲晚懷鏡湖舊隱慨然有作

公府還家鬢未秋鏡湖南畔決歸休讀書精舍  
豈輕出采藥名山成遠遊白墮興來猶小醉青  
精材足更何求俗間毀譽惟堪笑常隘韓公咎

斗牛

華髮華髮

初有詩集

卷之九

及古閣

金剛經 十九  
華髮蕭蕭老蜀關，倦飛可笑不知還。人生只似  
車過隙，世事莫驚雷。破山光景半銷樽，酒裏英  
豪或隱博。徒間車帷閉，置真何樂書。劔飄然未  
厭閒，出采藥。公山次，戲。越白，望興來，餘小，朝青  
公，歎息。賢，不，外，離，賦，南，和，大，福，木，請，書，辭，舍  
國家圖籙合中興，歎息吾寧粥飯僧。賣劔買牛  
衰可笑，壞裳爲袴老。猶能曉過射圃雲，藏壘夜  
讀兵書雨灑燈。安得龍媒八千騎，要令窮虜畏

飛騰

冬至

歲月難禁節物催，天涯回首意悲哀。十年人向  
三巴老，一夜陽從九地來。上馬出門愁斂版，還  
家畱客強傳杯。探春漫道江梅早，盤裏酥花也

鬪開

城南尋梅得

老子今年嬾賦詩，風光料理鬢成絲。青羊宮裏



春來早初見梅花第一枝

又

黯淡江天雪欲飛竹籬數掩傷苔磯清愁滿眼  
無人說折得梅花作伴歸

又

青煙漠漠暗西村問訊梅花置一尊冷淡生涯

元不惡却嫌歌吹合江園

成都故事合江園官梅開及五分即府尹

領客來遊

又

籬邊細路竹間庵一段風流擅劔南吾國以香  
為佛事客來試向鼻端參

書歎

歷盡危塗井與參鬢毛飽受雪霜侵平生不可  
俗子眼後世誰知吾輩心河洛方行胡正朔山  
林虛度醉光陰浩歌未闕先投枕衰病常憂感  
慨深

謝采感興

少小遇喪亂妄意憂元元忍飢臥空山著書十  
萬言賊亮負函貸江北煙塵昏奏記本兵府大  
事得具論請治故臣罪深絕衰亂根言疎卒見  
棄袂有血淚痕爾來十五年殘虜尙遊魂遺民  
淪左袵何由雪煩冤我髮日益白病骸寧久存  
常恐先狗馬不見清中原

又

高帝王蜀漢天下豈易圖幡然用其鋒項羽不  
支梧嗟余管從戎久戍南鄭墟登高望夕烽只  
尺咸陽都羣胡本無政剽奪常自如民窮訴蒼  
天日夜息來蘇連年沉枯旱關輔尤空虛安得  
節制帥弓刀肅馳驅父老止牛酒善意不可孤  
諸將能辦此機會無時無

莫冬夜宴

官機錦茵金感鳳舞娃釵墮雙鬟重寶爐三尺

香吐霧畫燭如椽風不動主人愛客情無已  
 聲未斷歌聲起亦知百歲等朝露便恐一歡成  
 覆水爐紅酒綠春為回坐上梅花連夜開堂前  
 只尺異氣候冰合平池霜壓階

天日枕上

枕上三更雨天涯萬里遊蟲聲憎好夢燈影伴  
 孤愁報國計安出滅胡心未休明年起飛將夏  
 試北平秋

謁石犀廟

閒過石犀祠登堂一歎歎江回陵谷變碑斷市  
 朝非有王蜀時荒圃連寒壠斜陽映夕霏興亡  
 俱昨夢惆悵跨驢歸

江上散步尋梅偶得

小園風月不多寬一樹梅花開未殘剝啄敲門  
 嫌特地緩拖藤杖隔籬看

又

初有詩

卷之九

及古

鐘殘小院欲消魂。漠漠幽香伴月痕。江上人家

應勝此。明朝更出小南門。

萬里橋門一  
名小南門

小園又見不多。一樹梅花開未久。陽春門

小南門外野人家。短短疎籬。繚白沙紅稻。不須

鸚鵡啄清霜。催放兩三花。

漣漪亭賞梅

判為梅花倒玉卮。故山幽夢憶疎籬。寫真妙絕

橫窗影。徹骨清寒蘸水枝。苦節雪中逢。漢使高

標澤畔見。湘纍詩成怯為花。拈出萬斛塵襟我

自知

芳華樓賞梅

素娥竊藥不奔月。化作江梅寄幽絕。天工丹粉

不敢施。雪洗風吹見真色。出籬藏塢香細細。臨

水隔煙情脉脉。一春花信二十四。縱有此香無

此格。放翁年來百事情。唯見梅花愁欲破。金壺

列置春滿屋。寶髻斜簪光照坐。百榼淋漓玉笋

飛萬人辟易銀鞍過不惟豪橫壓清臞聊爲詩  
人洗寒餓

浣花賞梅

老子人間自在身挿梅不惱損烏巾春回積雪  
層冰裏香動荒山野水濱帶月一枝低弄影背  
風千片遠隨人石家樓上貪吹笛肯放朝朝玉  
樹新

蜀苑賞梅

十里溫香撲馬來江頭還見去年梅喜開剗欲  
邀明月愁落先教掃綠苔跌宕放翁新醉墨淒  
涼廢苑舊歌臺盛衰自古無窮事莫向昆明歎  
劫灰

大醉梅花下走筆賦此

閉門坐歎息不飲輒千日忽然酒興生一醉須  
一石檐頭花易老旗亭酒常窄出郊索一笑放  
浪謝形役把酒梅花下不覺日旣夕花香襲襟

袂歌聲上空碧我亦落烏巾倚樹吹玉笛人間  
奇事少頗謂三勅敵酒闌江月上珠樹挂寒壁  
便疑從此僊朝市長掃迹醉歸亂一水頓與異  
境隔終當騎梅龍海上看春色

梅龍蓋蜀苑中故物也

之廣都憩鐵像院

歲莫天苦寒風雨復棄之道邊得古寺欣然具  
晨炊瘦樹立中庭斷蔓絡短籬小僧爲設爐童  
子燒槁枝坐令手足柔髭間失冰澌敬禮龕中  
像盡讀廡下碑少年志四方故里了不思晚知  
行路難更覺遊子悲一官始巴剌刻曲歸何時  
置之勿復道爛醉忘天涯

廣都江上作

微波不搖江纖雲不行天我來倚杖立天水相  
澄鮮平遠望不盡日落自生煙梅花耿獨立雪  
樹明前川好風吹我衣春色已粲然東村聞酒  
美買醉上漁船

美買宿龍華山中寂然無一人方丈前梅花盛

樹開月下獨觀至中夜

羅隱

梅花如高人妙極枯槁道愈尊君看枉空谷豈比倚

市門我來整冠佩潔空三沐薰亦思醉其下燕

嬌恐瀆君敬抱綠綺琴玄酒挹古罇月明流水

間一洗世濁昏摸寫香與影計君已厭聞老我

少傑息尚喜非陳言

次韻張季長正字梅花

倚橋臨水似催詩戲伴鵝黃上柳絲萬里西湖

驚斷夢二年東閣憶幽期

游嘗官唐安

挿瓶直欲連

全樹簪帽憑誰揀好枝一味淒涼君勿歎平生

初不願春知

次韻季長見示

倚遍南樓十二欄長歌相屬寓悲歡空懷鐵馬

橫戈意未試冰河墮指寒成敗極知無定勢是

非元自要徐觀中原阻絕王師老那敢山林一

枕安自異金罍中風調露王曉夢酒如山林  
 辭父廣都道中呈季長寒水如冰味無文  
 天上石渠郎能來伴楚狂風霜朝竝轡燈火夜  
 連牀江水不勝綠梅花無賴香劇談那得住出  
 處要平章

全書看梅歸馬上戲作

平明南出竿橋門走馬歸來趁未昏漸老更知  
 閒有味一冬強半在梅村

又

本為梅花判痛飲却嗅梅香消宿醒日欲落時  
 始上馬青羊宮前聞發更

又

一點不雜桃李春一水隔斷車馬塵恨不來為  
 清夜飲月中香露溼烏巾

又

江路疎籬已過清月中霜冷若為情不如折向



金壺貯畫燭銀燈看到明

又

江郊車馬滿斜暉爭趁南城未闔扉  
要識梅花無盡藏人人襟袖帶香歸

別後寄季長

無窮愛念想見其人

俗子俗到骨一揖已溷人不知此曹面何處得  
許塵我非作崖塹汝自不可親道途逢使君令  
我生精神頓增江山麗更覺風月新對牀得晤

語傾倒夜達晨亟起忘縛縈小醉或墮巾繚出  
錦城南問訊江梅春煎茶憩野店喚船截煙津  
淒涼吊廢苑蕭散誇閒身算歸度略約月出水  
鱗鱗息君去已遠此會何由頻

中夜對月小酌

今夕復何夕素月流清輝徘徊入我堂化作白  
玉墀栖鳥滿高樹空庭結煙霏可憐如許景早  
眠人不知我幸與周旋一醉那得辭整我接羅

初南詩稿

卷之九

及古圖

巾斟我翡翠卮清愁不可耐三嗅梅花枝對露

客愁

騎馬出門無所詣端居正爾客愁侵蒼顏白髮  
入衰境黃卷青燈空苦心天下極知須雋傑書  
生何恨死山林消磨未盡胸中事梁甫時時尚

一吟

詩酒

酒隱凌晨醉詩狂徹旦歌憫憐蝸左角嘲笑螿

南柯風月隨長笛江湖入短蓑平生會心處最  
向漆園多

道室夜意

寒泉漱酒醒午夜誦仙經茶鼎聲號蚓香盤火  
度螢蠶心守玄牝閉目得黃寧寄語山中友因  
人送茯苓

道室晨起

紙帳晨光透山爐宿火燃雞鳴猶喔喔鴉起已

翩翩形槁寒巖木心凝古澗泉何須更臨鏡斷  
是一癯僂

城南王氏莊尋梅

涸池積槁葉茆屋圍疎籬可憐庭中梅開盡無  
人知寂莫終自香孤貞見幽姿雪點滿綠苔零  
落尚爾奇我來不須晴微雨正相宜臨風兩愁  
絕日莫倚筇枝

遊萬里橋南劉氏小園

佳園寂無人滿地梅花香閒來曳拄杖臘月日  
已長朱橋架江面欄影搖波光奇哉小垂虹夢  
破鱸魚鄉汀鷺一點白煙柳千絲黃便欲喚釣  
舟散髮歌滄浪可憐隔岸人車馬日夜忙我歸  
門復掩寂歷挂斜陽

過笮橋道中龍祠小畱

劉選

江邊龍廟何年作白浪花中插朱閣朝暎漸上  
宿霧收春氣已動晨霜薄我來倚欄一悵然蘆

花滿空如柳綿安得身為雙白鷺飛上灘頭却  
飛去

道上見梅花

載酒房湖風日美探梅喜折一枝新今朝忽向  
街頭見萬萼千跗俗却春

倚樓

減盡朱顏白髮新高樓徙倚默傷神未酬馬上  
功名願已是人間老大身太史周南方臥疾拾

遺劔外又逢春一杯且爲江山醉百萬呼盧迹  
已陳

寄王季夷

平生吾子最知心巴隴飄零歲月侵萬里喜聞  
身尚健五更惟有夢相尋插花意氣狂如昨中  
酒情懷病至今共約算年須強飯天台廬阜要

登臨

丁酉除夕

初南詩集

卷之九

及古閣

浮生過五十光景如飛鴻寒暑倏仰間四序忽  
已終殊方感飄泊晚境嗟龍鍾桃符與爆竹嬾  
復隨兒童不寐非守歲燕坐夜過中氣定神自  
凝海日何矐矐豈惟三彭逃坐覺六入空徂年  
勿惆悵閱世方無窮

正月二日晨出大東門是日府公宴移忠

院

成都春事早開歲已暄妍熅尾傳盃後遨頭出

郭前爭門金驪裹滿野繡韜輶白髮花邊醉何  
妨似少年

小飲落梅下戲作送梅

零落梅花不自由斷腸容易付東流與人又作  
經年別。問月應知此夜愁。已是狂風卷平野更  
禁橫笛起危樓何時小雪山陰路處處尋香繫  
釣舟

立春

鬢毛蕭颯寸心灰生怕新年節物催幸是身閒  
朝睡美忽聞鼓吹打春回

初春出遊戲作

綠窗百舌喚春眠問柳尋花意已便京洛化衣  
無夢去邯鄲觀伎有詩傳銅壺閣下閒欵帽石  
鏡坊前戲墜鞭酒隱人間君勿謂定勝山澤作

臞僂

初春遣興

始於志退休而終於倦倦  
許國之忠亦臣子大義也

爛熟息來怕熱官退飛心地喜輕安捨魚正可  
取熊掌食肉何須知馬肝放眼柳梢初暗動褪  
花梅子已微酸典衣剗作江頭醉莫謂天涯苦  
鮮歡

又

大隱悠悠未棄官俸錢雖薄却心安人方得意  
矜蝸角天豈使予爲鼠肝佳日劇棊忘旅恨短  
衣馳射壓儒酸小桃楊柳爭時節載酒江頭罄

一歡

又

白髮淒涼故史官十年身不到長安  
即今天末吊形影何日上前傾肺肝  
孤憤書成詞激烈五噫歌罷意辛酸  
此懷欲說無人共安得相攜素所歡

予年十六始識葉晦叔於西湖上  
後二十七年晦叔之弟聲叔來為臨  
邛守相遇於

成都晦叔沒久矣訪其遺文略無在者乃

賦此詩

故人零落久山丘誰記京華第一流  
曹霸揮毫空萬馬庖丁投刃解千牛  
相逢夢境何勞記追想清言未免愁  
雷電取將遺稿盡他年虛有茂陵求

初春探花有作

燈山昨夢歎忽忽便恐新春過  
眼空千縷未搖

官柳綠一梢初放海棠紅金羈絡馬閒遊處彩  
筆題詩半醉中流落天涯何足道年年常策探  
花功

遊諸葛武侯書臺

劉選

沔陽道中草離離臥龍往矣空遺祠當時典午  
稱猾賊氣喪不敢當王師定軍山前寒食路至  
今人祠丞相墓松風想像梁甫吟尚憶幡然奮  
三顧出師一表千載無遠比管樂蓋有餘世上

俗儒寧辨此高堂當日讀何書

一句收拾書臺有味

觀花

我遊西川醉千塲萬花成圍柳著行紅錦地衣  
舞霓裳翠翬繡袂天寶粧清歌一發無畱觴嫋  
嫋餘聲縈杏梁黃金絡馬照路光自護羃羅觀  
海棠搜奇選勝日夜忙不惟燕宮碧雞坊莫歸  
奚奴負錦囊路人爭看放翁狂

張園觀海棠



朝陽照城樓春容極明媚走馬蜀錦園名花動  
 人意嚴粧漢宮曉一笑初破睡定知夜宴歡酒  
 入妖骨醉低鬟羞不語困眼嬌欲閉雖豔無俗  
 姿太息真富貴結束吾方歸此別知幾歲黃昏  
 廉纖雨千點裛紅淚

月夕

醉從東郭歸散髮臨前楹呼僮淨埽地勿使黧  
 月明庭空臥松影簷迥送鐸聲鐘斷心境寂露

下毛髮清出門碧霧合九陌無人行坐令錦官  
 城化作白玉京

夜飲即事

天涯久客我何堪聊喜燈前得縱談磊落金盤  
 薦糖蟹纖柔玉指破霜柑燭圍寶馬人將起花  
 墜紗巾酒正酣夏作茶甌清絕夢小窗橫幅畫

江南

夜宴賞海棠醉書

便便癡腹本來寬不是天涯強作歡燕子歸來  
 新社雨海棠開後却春寒醉誇落紙詩千首歌  
 費纏頭錦百端深院不聞傳夜漏忽驚蠟淚已  
 堆盤  
 二月十六日賞海棠

常年春半花事竟今年春半花始盛衰翁不減  
 少年狂走馬直與飛蝶競妍華有露洗愈明纖  
 弱無風搖不定莫放飄零作紅雨剩看倩笑臨

粧鏡溪梅枯槁墮巖谷山杏輕浮真妾媵欲誇  
 絕艷不勝說縱欠濃香何足病華燈銀燭搖花  
 光翠杓金船豪酒興夜闌感事獨凄然繁枝空  
 折誰堪贈

卽席

解鞅名園眼倍明殷勤翠袖勸飛觥海棠紅杏  
 欲無色蛺蝶黃鸝俱有情去日不畱春漸老歸  
 舟已具客將行倦遊短鬢無多綠生怕尊前唱

渭城

東歸有日書懷  
萬里橋邊白版扉三年高臥謝塵鞿半窗竹影

棊僧去滿棹蘋風釣伴歸看鏡已添新雪鬢聽

雞重拂舊朝衣故人零落今無幾華表空悲老

令威

眉州披風榭拜東坡先生遺像

蜿蜒回顧山有情平鋪十里江無聲孕奇蓄秀

當此地鬱然千載詩書城高臺老仙誰所寫仰

視睂宇寒崢嶸百年醉魂吹不醒飄飄風袖筇

枝橫爾來逢迎厭俗子龍章鳳姿我眼明非

南海均夢耳謫墮本自白玉京惜哉畫史未造

極不作散髮騎長鯨故鄉歸來要有日安得春

江變酒從公傾

初有詩集

卷之三

...

...

...

...

...



